

焦氏四書講錄

焦氏四書講錄論上卷之五

雍也篇六篇

子曰雍也可使南面章

雍也可使南面夫子因其寬弘簡重總許之此意莫發出仲弓是以來問○南面不是為天子此豈是可許人者嚮明而治凡諸侯而下皆是也

仲弓問子桑伯子非欲僭人之短以形己之長蓋以夫子許己為己有簡重意思隨憶起伯子亦簡者真心素謂伯子之為人未是故問以決之夫子曰可也簡言伯子為人亦可以其簡也是尚存未盡然者仲弓恍惚未喻疑亦許其可使南面也故述出己意如下文所云正夫子之意也故以其言為

然○伯子有言君子之交淡若水小人之交甘若醴夫子以  
為然及其死也又使子貢弔之必其為人亦可矣

居敬是不以慢心忽畧天下之事而行簡是於天下之事又  
不以有心去擾亂之則其所為簡者簡要之簡而非怠荒之  
簡是以慢心忽畧天下之事而行簡是於天下之事一切有  
心去不理則其所為簡者怠荒之簡而終歸于廢弛矣○居  
敬而行簡與居簡而行簡對說以臨其民速不亦可矣為句  
臨民卽是南面可乎卽是可使仲弓因夫子許已南面又疑  
許伯子之可也簡亦是可使南面故云居敬而行簡者以之  
南面臨民可也居簡而行簡者則為太簡矣亦可南面臨民  
乎○仲弓嘗問仁矣夫子教以出門如見大賓使民如承大

祭此居敬之謂也又嘗問政矣夫子教以先有司赦小過率  
賢才此行簡之謂也南面之可使其亦夫子造就之功乎○  
太簡者固使不得然亦勝於太煩者彼鉤者雖有篳竿織綸  
芒鉤芳餌而亦不能與魯豈較魚之羣弋者雖挾繁弱之弓  
貫會稽之箭而亦不能與罾羅較禽之積是以長者之懷則  
汪洋濶大而無涯細人之情則刻覈煩瑣而無用吁可戒哉  
哀公問弟子孰為好學章

顏子不遷怒不貳過正是好學處而不字与四勿勿字一皴  
乃克已云夫也不是好學之驗○常人遷怒不覺其怒也貳  
過不覺其過也血氣分數豈便不覺克已的人明覺之本體  
常在總覺便不遷不貳○不遷不貳是念念在天理上總覺

涉便不遠而後若一念稍踈其融然乎故謂之好學○此起亦是當怒的此過亦是稍有纖歎不要說得粗今也則亡未聞好學者不是說天下人只說弟子中无聞也曾思此時尚年少故耳○聖賢之好學大畧已見於此程子學論更該得詳明可看彼虛無寂滅以為孝記誦詞章以為學權謀術數一切就功名以為學者可謂之好學哉

### 子華使於齊章

冉子是箇見利不見義的人故為子華請粟為季氏聚飲便是此見攝束帛乘馬不誠於伯高亦是此見○夫子與之食示不當與也與之康示不當益也然既不當而又與之者固是寬容不直拒人亦是為其母請不得不與也冉子與之粟

五秉是他自家的粟

肥馬輕裘只見得子華之家富家富的人雖使於外毋出其無  
粟也君子周急不繼富以子華之富冉子為請粟又與之過  
焉是繼富而不以君子自處矣

夫子與原思之粟是公家的粟以與爾鄰里鄉黨亦是教原  
思之意吾謂爾毋辟者不為爾一家之私積也若是自家有  
餘便可以此與鄰里鄉黨之貧者矣

冉子之與原思之辭未必同在一時記者以其一與一辭可  
互相發明故總係於此○聖人所見者大凡事只以義為主  
不以私恩小惠為心亦不以小廉曲謹為心豈是薄子華而  
與之少厚原思而與之多哉惟視義之可否耳冉子焉與以

為惠原思穉穉以為廉皆察素未精而所見者小故也○晦  
庵子云學者未得中行不幸而過寧與無吝寧介無貪此說  
亦好苟吝者託冉子之不可以掩其陋貪者託原思之不可  
以掩其污至于清苦好施者則其排之以為不近人情以為  
欺世盜名是恃胥天下而為污穢陋惡之流矣害豈小哉

子謂仲弓章

當時必有諫仲弓之父賤行惡者故夫子發此不然雖稱其  
子之賢表彰其父之惡宜非其子之樂聞而隱惡揚善如夫  
子者亦不宜為此也○雖欲勿用者人或因是犁牛之子不  
用以祭山川然若用之以祭則山川之神亦必享之而不舍  
矣○父子之類如何拘得子思嘗稱李青之賢衛君曰其父

祖何也子思曰世農夫也衛君笑曰農夫之子無所用之子  
忠曰臣稱李音稱其賢也父祖之農何預焉且周公康叔之  
賢聖其祖父不以農事開國乎此亦父賤而子賢者也又有  
父賢而子不肖者尹文子生子不類疑非其子也將出其妻  
子思曰若是則堯舜之妃皆可疑也二帝以聖者之英而丹  
朱商均不及匹夫是豈有類耶夫有此父斯有此子者道之  
常也若賢父之子不肖則由乎天耳非子與妻之罪也可見  
父子之類都拘不得矣立賢無方湯真有見於此哉  
子曰回也其心章

夫子之意主於說顏子不是將諸子平說蓋云顏子之久於  
仁非諸子之所能及也○仁即是心不是心外別有箇仁心



與仁原不相遠者人惟私欲一生於心心便遠仁了顏子不  
遠仁只是忒不私欲此心渾是天理便是仁不相遠○問三  
月不遠仁豈三月之後猶不免於遠乎曰三月只言其必非  
限定只三箇月高三月之後又遠仁也○問日月至焉者或  
日一至或月一至如今不仁的人一日一月之內天理也有  
一發見處諸子亦只似此孟子曰日月只言其暫日月至焉亦  
不是一日僅有一念至于仁一月僅有一念至于仁乃是一  
日十二時時時念念皆至于仁一月三十日日日念念皆至  
于仁也且諸子除却至仁之外雖說猶有私欲然私欲亦分  
箇輕重諸子縱不及顏子之景星慶雲亦不是不仁者之妖  
星屬此

季康子問仲由章

子路之才果必於政而能決子貢之才達必於政而能通冉  
求之才藝必於政而多能故皆曰於從政乎有何○季康子  
者季桓子之子也桓子遺命召夫子康子欲召之公之魚曰  
先君用之不終為諸侯笑今又用之不能終再為諸侯笑康  
子曰誰召而可曰必召冉求然則斯問也意在求而已矣後  
果召求求將行子貢送之曰即用以夫子為招云奈何再笑  
之諫已入而夫子終不用也惜哉

季氏使閔子騫章

大夫之家臣為僕不與大夫齒上等人雖不屑做然當時侯  
國皆用世臣自是無官可做得閔子不肯為費宰不是不屑  
做家臣只為季康子不可臣也○閔子初見夫子有菜色後

乃有芻豢之色其所養可知矣○善字必字重善為辭者  
要使教寢其召而不復來始或不善辭或善辭而復來召必  
去之汶上矣始而婉既而決不傷人不失已誠哉有德者必  
有言也○汶水在魯南徐北亦在齊南不專屬魯亦不專屬  
齊晦庵子以在汶上為去之齊故有云齊強魯弱而去者有  
云不可越國召賢而去者皆不通之說也蓋汶上之去即來  
海之避五湖之遊泉石膏肓煙霞痼疾之意耳豈是舍魯而  
去齊乎○季桓子時閔子亦魯為費宰問政於夫子矣夫子  
教以人君之御民猶御馬也以德法為銜勒以百官為轡以  
刑罰為策以萬民為馬故御天下而不失善御馬者正銜勒  
齊總策均馬力和馬心故曰無弊而馬應總策不舉而極干

是善御民者一其德洽正其百官以均齊民力和安民心故  
命不再而民順從刑不用康子苟如桓子也則夫子亦必有  
上卿之薦而閔子亦何辭其召乎

伯牛有疾章

夫子於伯牛自牖執其手是與之永訣亡之以下皆痛惜之  
詞○夫子節小物常以伯牛侍曰吾以子自厲也牛亡而自  
厲者無人不將不痛惜矣○牖是北牖執其手是自牛所居  
北牖下執其手也晦庵子以牖為南牖云而自牖執其手  
夫南北之牖皆牖也安知北牖非北牖而定其為南牖乎且  
以牛之賢其家若行此礼独不强止之乎况夫子與牛止此  
一見亦何忍听其家行此礼而至于不將入乎以兼以情必

不若此也此樂聲之說晦庵以為或然而歸之亦或矣

子曰賢哉回也章

顏子嘗曰回有郭外之田五十畝足以給饘粥郭內之田十畝足以為線麻以六十之田而至于貧不留心家計故也○賢哉二字是贊其能於聖人箠瓢者飲食之貧陋巷者居處之貧他人遭此不勝其憂顏子却常常樂而不改此其樂不在箠瓢陋巷亦不是以道為樂乃自有其樂也想他心裏空然洞然渾然是箇太虛一切世味都不上心來此是何等胸次何等氣象能與聖人為一矣○人之心體原無牽累只被私欲累便不樂須是從私欲一萌處斬截下手掃却得際際淨淨自有許多快活處顏子請事回勿下了要少克復的

不表以此快足而其樂不改若工夫不徹底澄清稍有一毫  
之私潜伏在內即駐樂于一時亦安能久而不改乎○心是  
箇天君天君泰然在上則凡客感客形都雁在下我站腳處  
一超風塵之表自能乘雲霧而上下挾日月而東西真得辦  
天地滄海一粟矣更有何樂可加于此○問陋巷簞瓢顏路  
甘旨亦定有關顏子亦樂否曰啜菽飲水盡其歡斯之謂樂  
○問顏子假饒富貴將不得為賢乎曰人之常情不安於藜  
藿者則必驕於八珍不安於布衣者則必驕于文繡顏子簞  
瓢陋巷既不知其為貧賤則雖萬鍾九鼎亦不知其為富貴  
矣他日夫子曰使爾多財吾為爾宰至於為邦之問便以帝  
王事業付他此豈不賢於富貴者可哉○伊川子在經筵

進講每於文義外反覆推明歸之人主一日該講此章人疑此章非有人主事特何以為說及講畢復進曰筆紙之士仁義在躬忘其貧賤人主奉養備極高不知學安能不為富貴所移且顏子王佐之才也而處於陋巷季氏魯國之蠹也而富於周公魯君用舍如此非後世之鑒乎此亦可為講者法冉求曰非不說子章

冉求未曾用力於道使謂力不足故夫子破之曰力不足者是曾用力於道而氣質昏弱無可奈何至中途而廢也會汝未曾用力於道未嘗至深中塗則是自限非中途而後廢者矣何謂力不足耶○力不足者中道而廢夫子亦只因冉求說力不足故如此說耳要之志之所至氣必至焉豈有力不足之理

子謂子夏章

君子小人同一儒者之學心却不同子夏得道而肥從欲而  
瘠夫子已知其心了汝為君子儒無為小人儒是說入心體  
的話○君子只在心上用功實曰落曰做聖賢小人在口耳  
上做竊取名位而已於心身何益甚至拔才妄作亂人家國  
有一敗塗地而莫可收拾者是又奸雄之尤也儒者云手執  
子游為武城宰章

為宰得人雖無所用之然亦政事之一助故夫子以得人問  
子游○澹臺滅明貌惡而行修名施乎諸侯弟子從者三百  
夫子嘗云吾以貌取人失之子羽子貢亦云貴之不喜賤之  
不怒苟利於民廉行於己子游却只云行不由徑非公事不



時有同子  
齊人不能  
十人不能  
有以之  
事其

至者即此二事見其餘也○春秋書城武城畏齊也使宰武  
城常常有子游則亦常有滅明以為甲冑常有礼樂以為午  
魯齊雖大何畏焉○嗟嗟師資朋友之益俗吏不講久矣楊  
子雲曰縣令不請士郡守不迎師是誠可怪也子游而後若  
任延之折節於龍泉龐參之悟意於任棠者幾人也都不過  
在集事上官催科刑獄裏了却一任耳治績之不彰以此

予曰孟之反不代章

魯及齊戰于郊再求帥左師用矛不入齊軍樊遲為右師奔齊  
人從之孟之反殿○問既奔了雖殿亦何功曰戰敗而奔者  
無殿者敵人便乘勝長驅後奔者死前奔者亦死反獨為殿  
以拒敵前後諸軍皆得保全故百萬生靈之命而使國家不

至于大敗極壞豈不是功○將入門諒云云者入門是棄父  
屬目之地而必策其馬者若真以為馬不能進而有待於策  
也取字是勇敢之恥非有勇敢在後不奔特馬不能進故在  
後為殿耳○人所以矜伐只為此心好勝人畧有此功業便  
自視不勝其太容着不得便要對人矜伐若能降伏了這勝  
心使雖有莫大的功業也是我職分之所當為只如一點浮  
雲過太虛而已矣何足伐哉

子曰不有祝鮀章

不字依晦庵子說是該祝鮀宋朝二句好諛之好色本世教  
象來世教若明人便知正論之好而不好諛知美德之好而  
不好色○看來不有而有字亦甚分明豈可以不字該二句

四書章句  
蓋云今人固好色然或不有祝鮀之佞而但有宋朝之秉亦  
難免人之惡可見好諛之尤甚也

子曰誰能出不由力章

人身之有斯道統室之有門力戶是所必由者道亦是所當  
由者於戶皆有之於道何故而莫由也何字有怪歎之意○  
出字亦不可忽由戶而出使處處可履不由力者何處出得  
由道而行使其出不窮不由道者一步不可行矣何處出而  
有為耶詳見首卷

子曰質勝文則野章

文兼言辭威儀質亦兼言辭威儀交際之間大約不出此二  
者質者言詞儀節之間皆質任自然之意文則言辭儀節之  
間有華采矣時說以忠信誠慤為質此是好的者何嫌于勝

彬彬者七分質三分文統得適均若輕重不分五分質五分  
文則如五升水用五升鹽而味不得調矣此必然之理也  
○野史二句不重歸重君子君子是箇全人無本不立無文  
不行文質彬彬則本末會其全而非野亦非奧矣  
子曰人之生也直章

時說上生字生理也下生字以生庖言把一章書二生字說  
不同了未是湏云人之生於世也其理本直以見人必循此  
理乃得其所以生者乃可生於世也若罔之生於世也幸而  
免耳湏如此看○周子生理的本縱有目視耳聽手持足行  
不過是一團血肉的軀殼故謂之行屍走肉非生也生理既  
絕滅矣尚可謂之生人乎○周生幸免者不足論已而所謂

直者其理豈有他哉亦只在此心之直原與乾坤合體聖人  
模寫此心之妙於乾則曰其動也直于坤則曰敬以直內乾  
坤一於直也動本直也內本直也非直之而後直也蓋其醞  
釀流行無斷無續乃此心天機自然之妙而非人力之可為  
其所以存此心者則亦順其天機自然之妙而不容纖毫人  
人力參乎其間也是故湛然常寂而非靜也盎然常感而非  
動也退藏於密而非內也曲成萬物而非外也不寢不食而  
非助也不嗜不聞而非忘也如此則為敬以直內不如此則  
為以敬直內如此則為集義不如此則為義襲如此則為由  
仁義行不如此則為行仁義世之學者亦嘗自謂從事於心  
矣然心實未見乎天機自然流行之妙而往往欲以私用智

求之故有欲思慮以求此心之靜者而不知思慮即心也  
有欲絕於外物之誘而專求諸內者而不知離物無心也有  
患此心之無著處存一中字以著之者而不知心本無著中  
本無體也若此者亦自以為求之心者詳矣而不知其弊乃  
至於別以一心操此一心心心相梓而愈見其紛擾矣亦安  
得謂之直赴  
子曰知之者不如好之章

此是品第學業之高下知之者知有此道還未曾用功好之  
者用功要得此道樂之者此道已有所得也○道理要有自  
得處方纔知味若非自得便說知說好說樂亦只是說夢張  
敬夫五穀之譬云知是知其可食好是食而嗜之樂是嗜之  
而飽此知味語也學者味此而有自得之趣即孟子之飽乎

仁義而人貴不足以易其樂夫子之樂在其中而浮雲不足以動其心矣此之為真知此之為真好此之為真樂

子曰中人以上章

此論道之上者不可以樂語人亦是要人自勉以為受教之地也○夫道一而已矣無高卑淺深大小微顯精粗遠近常變同異之分自吾人之所見者言之則有高卑淺深大小微顯精粗遠近常變同異此所以有難知有易知有可語有不可語者為強一旦豁然而貫通則剛風上轉不為高南極下入不為深茫茫河嶽不為太涓涓泉石不為小鬼神之屈伸往來不為微草木之榮瘁開落不為顯經濟乎四海九州不為遠致慎乎閨門衽席不為近聖賢制礼作樂之本不為精

童子灑掃應對之節不為粗禹之家傳不為德象於堯舜湯  
武之放伐不為得罪於夷齊周公之誅其兄不為不與石碯  
之殺其子不為不慈濂溪專授太極於二程不為私厚而輕  
洩天機二程不授太極於諸子不為吝教而自孤道統象山  
之主靜不為枯寂而入於禪宗晦庵之分析不為破碎而流  
於俗學蓋太極渾然而事事物物無一而不各具吾人耳目  
之所見有常有不常心思之所測有得有不得此高下淺深  
大小微顯精粗遠近常變同異之所由分而學者之造詣不  
容無難易教者之指引亦不容無差等也歟○問中人以下  
的人與之語上且不肯進況不語可乎楊明子曰不是聖人  
終不與之語聖人的心要不得人人都做聖人只是人的資



質不同。施放不可躡等耳。中人以下的人。便與他說性說命。他也不省得。須漸漸琢磨他起來。纔好。

### 樊遲問知章

樊遲想有惑鬼神貪功利之失。故夫子與他論仁智如此。○民之義猶云。民之秉彜。務是務自己的。此與敬鬼神而遠之。兩句要合看。務為惡而不媚神。以求福。務去惡而不媚神。以免禍也。○先難之難。亦是義理難者。先之則易者。可知。獲而後之。則失亦不恤矣。○先後字不必泥。仁者直是絕無求獲之心。不是姑以為後。而終欲得之。獲不止財利為善於己。而有一毫要譽之意。施恩於人。而有一毫望報之意者。亦是獲也。○仁智都在心事上說。唯庸子以事屬智。心屬仁。則是仁

者無其事而智者無其心矣○問夫子與樊遲論智者一論  
仁者三其說何以不同曰聖賢於道皆有入處及其既得回  
視所入了不相干如入室與問途自是兩境在室而猶執途  
即是心病故聖門求仁求智皆不執一說不獨於遲為然若  
必以一說盡一理此達者所以病後儒之拘也

子曰知者樂水章

智者仁者總是一箇人不可泥二者字作兩人看若作兩人  
則是智者見之請之智仁者見之請之仁而君子之道鮮矣  
○天地間流行的是氣主宰的是理理即氣氣即理不是兩  
項動的理氣物得之為水人得之為智靜的理氣物得之為  
山人得之為仁仁智見山水使與慈相投不覺怡然而自樂

莊周夢蝶不知蝶之為周而周之為蝶也亦是此意○動靜  
是仁智所以樂水樂山之故樂春之效亦是論理如此數之  
不釋者又不可以執一論故曰困而不失其享是不樂之樂  
也又曰死而不亡者春是不壽之壽也此足發章內所疑矣  
子曰齊一變至於魯章

齊魯先時政俗俱集後來却變了然魯不過人亡政熄而祀  
教信義之風猶有存者齊則經桓公管仲之輯澤是功利夸  
詐之習而太公之遺教無復存者故一變僅得如今日廢墜  
之魯則只取廢墜者修舉之而周公伯禽之盛便可復矣  
故一變就至道○夫子之意本要齊魯皆變而至道但齊之  
至道也難魯之至道也易奈何魯有易變之機夫子又有能

變之道而卒莫之變也此章之語意者深為魯惜乎

子曰觚不觚觚哉觚哉

觚哉觚哉是歎惜之詞不直說不成箇觚。觚觚哉一至於此真可惜也。○人不人人哉其可惜也尤有甚於觚矣  
宰我問曰仁者雖告之章

宰我憂為仁之陷害是有難於為仁之意殊不知仁者雖切於救人然殺其身而無益於人亦是所不為者何憂乎仁之難為也○君子可逝可欺輕只重不可陷不可罔可欺不可罔又是解可逝不可陷之意君子凡事以理為主可欺以理之所有不可罔以理之所無故雖可逝而必不可陷也○問人若實在井中君子將如之何曰此又看輕重緩急唯君父

在隘臣子當從之然亦必挾其具不徒從也事迫而無具雖  
徒從可也其餘則隨力所至而救之若終不可救則亦無如  
之何矣○仁者心之理心無所累雖周公之破斧缺斨而忍  
於同氣者亦不失為孔將之哀心有所累雖墨子之摩頂放  
踵而利乎天下者亦不免為自私之計然則何必從井救人而後可為仁哉

子曰君子博學於文章

此章晦庵子以博約分知行時文且依他說博文是致知也  
知其所約之禮約禮是力行也行其所博之文博文而不約  
禮安知其不昧於道徒約而不博文安知其所約者是與不  
是亦未必不昧於道博文約禮兩者交盡斯可不昧于道矣  
○看來知行原分不得約禮是博文的主意博文是約禮的

工夫仰視俯察往古來今五常百行千變萬化森然而有條  
燦然而有章者何康不是文何康不是禮之發見也君子博  
學於文正要約束此身以禮只一學字已盡了知行豈有博  
是知而約是行之理乎博學於文知行已兼盡了卽其有條  
有章者而知之行之非約束此身以禮而何哉禮便是道博  
文而約之以禮故曰亦可以弗畔矣哉

子見南子章

君子於小人非禮不見故小人欲見君子亦必以禮君子雖  
欲辭之不可得如陽貨南子者夫子豈得而絕之也○問南  
子是妻不是小君見小君是禮見妾亦禮乎曰靈公旣以夫  
人虐南子則夫子亦以夫人見之美○陽明子曰聖人之行

初不遠於人情魯人獵較孔子亦獵較鄉人餽朝服而立於  
阼階難言之互鄉亦與進其童子當時固不能無惑之者矣  
子見南子子路亦不悅夫子到此如何與子路說得是非只  
好矢之而已何也若要說見南子是得多少氣力來說若且  
依着子路認箇不是則子路終身不識聖人之心此學終將  
不明矣此等苦心處唯顏子便能識得故曰於吾言無所不  
悅此正是大頭腦處吾輩須要虛其心弘其量去人我之見  
絕意必之私則此大頭腦處自將卓爾有見當有雖欲從之  
末由也已之歎矣夫抵奇特斬絕之行身後世希高慕大者  
之所喜聖賢不以是為貴也故索隱行怪者後世有述焉依  
乎中庸則有遜世而不見知者矣此說妙哉

江向山南  
內有山南

是孝而過者此類可常行乎哉

卷之四



更有一等聖人了。若聖與仁總是一樣。何必如此分別。蓋事者從事之事也。下文迭取譬之。方正應此緣事於仁之意。○問堯舜猶有病。誰復能得博濟之仁。曰吾人於天下。只要有博濟之心。其或不能濟衆。亦末如之何者。是故心不遠仁。雖陋巷簞瓢而於人無補也。亦可為禹稷。心猶有病。雖九合諸侯而一匡天下也。能免為器小乎。

仁者不必於博施濟衆。只是心通乎天下而無一私之悶。已欲立便欲立天下之人。已欲達便欲達天下之人。此便是仁了。何必博施濟衆而後為仁乎。○立達二字都兼教養慈植其德是立。利其用利其行是達。二人字不是對已之稱。卽衆字之謂也。○子貢就事上說仁。夫子就心上說仁。子貢從人

上求仁夫子從已上求仁子貢所求者邇而難夫子所求者  
邇而易故曰易簡而天下之理得矣

仁者亦未可遽及須有箇方能近取譬以已所設譬之他人  
是其方也若以博施濟衆為方則終其身何日而可以至仁  
乎○問以已譬人亦是已欲立而立人已欲達而達人子何  
以一為仁者一為仁之方曰欲立立人欲達達人合下便不  
見爾我是自然而然者取譬則不免於爾我相體有勉然之  
意此所以不同歟

讀書到此章真是令人膽省不容已於為仁聖人若堯舜猶  
曰有病況吾人乎堯舜之病是萬分中一分吾人之病却不  
知幾幾分數彼醫家治病有箇標本之說吾人治病亦然若

樂在天下而不在一身立便要與天下同立達便要與天下  
同達看世間的財利在已在人何有輕重之分此是治本之  
藥病勢輕的人服此卽當神效若是私欲深重一點仁心全  
然殺錮憚財利作性命一般雖親師厚恩亦不知報親戚之  
家急難顛連亦不知救病痛如此所謂宜治其標者也須要  
篤信聖賢良訓清夜思量此貪吝心若是怕自己斃寒人生  
壽命免向契着有限勤耕節用何有不足若為着子孫子孫  
衣食自有分定鬼神惡盈滿積而不散子孫宜能保守康  
吝惜分分計較便為寡恩的人便為無義的人雖骨肉之親  
譬如路人相視有官者定剥剝民民居又剥害鄉里不免  
墮損名教釋氏天堂地獄之說雖不足信然生為哲人死為

明神文王陟降在帝左右實有此理若是心為利迷身被利  
汚太禽獸無幾了形潰神逸沉淪濁氣中隨大化流轉豈不  
可懼正好在于今刻刻檢點處：隄防但遇着這貪吝病發  
作時就如強賊入室不驅出不殺盡不肯休治貪的藥以廉  
治吝的藥以施日日如此事事如此病勢自輕如服大丹理  
元氣卽作神僊不難矣嗚呼知此庶施之藥者方其為仁之  
述而篇七篇

子曰述而不作章

夫子云述而不作然當時夫子也只得述自羲皇以至文武  
周公道理當作的已無不作後聖亦自不容大有所作於其  
間或過或不及或偏滯廢墜或未備則有之但因其見成者

修理之損其過抑其不及救其偏補其敝增其所未備使歸於中正完全便了○信而好古是述而不作之故信之又好之只見得古道之當述而可以無作也○好覽古籍以政教大夫以官教士以技教庶人綴以德行不任以言老彭之為人如此○夫子雖未嘗作然古人的制作皆賴以裁成其功尤有盛於作者所謂賢於堯舜盛於百王是矣

子曰默而識之章

此三者總是一箇道理識者識此學者學此學者誨此識者默學重不厭誨重不倦默者與進合之不厭者與道始終不倦者人已無間皆聖人與天地同運並行自然而然者也故云何有於哉哉

子曰德之不修章

此四者總是一箇道理德之修者此理學之講者此理象之徙者徙於此理不善之改者改其非此理德不成而學不明善且損而惡且長便到不得聖人地位故曰是吾憂也○四者平說寔其要須以講學為先講學則無不善之可改而其修德徙象也亦沛然有餘裕矣

### 子之燕居章

此記夫子之燕居中中是一身之容天天是見於面之色申申天天曰如者聖人之氣象非言語可以名狀姑以申申天天擬其似而猶未足以盡其妙也○問今人燕居有心要拘束便入於嚴厲有心要舒泰便入於放肆何以能申申天天曰亦須稍嚴肅則可終嚴肅則自然和樂矣

子曰甚矣吾衰矣

問夫子不夢唐虞夏商之聖如何只夢周公曰夫子是周人  
周公周人也故夢之然則文武亦周人也何為不夢文武曰  
文武是君周公是臣夫子為周之臣子故只要做周公以興  
文武之道○甚矣吾衰只於久不夢周公見之蓋不夢周公  
可驗其衰久不夢周公又可驗其衰之甚○問夫子此時若  
見用尚做得周公事業否曰吾衰之歎亦只如此說若是見  
用定又不倦不衰大公年八十一也做得許多大事業況立立  
道行綏來動和如夫子者乎○老成人見用與漸進淳薄者  
高皇帝嘗曰此來有司不體朕意士有耆年便置不問豈知老  
成者古人所重不可棄以為衰而棄之也若年六十以上七

十以下者當置翰林備顧問六十以下者則用之六部及布政按察司等執使夫子際此時則兼甚可以無歎而周公且身爲之矣又何必於夢見哉

子曰志於道章

此章以通為主德卽行此道而有所待者仁卽得此道而會其全者藝亦此道之所散殊者志道不是空志致知力行皆志之事也據是據守之意淨一善舉一服膺而勿失之也依是有常之意終身以之爲依歸也游如游觀一樣有時而爲之也内外交養本末兼該此之謂有道者矣○陽明子曰此章只志道一句便含了下面數句工夫卽使不淺譬如做此屋志道是念念要去擇地鳩材經營成箇區宅據德却是經



畫已成有可據了依仁却是常常住在區宅由便不離去游藝却是加此畫采美此區宅也苟不志道而游藝却如無狀小子不先立畫造區宅只管要充實畫掛做門面不知將掛在何處○此章志字最為要緊吾人須常有必為聖人之志工夫方能勇往長進聖人與凡人亦只是平等唯道德仁藝周流於一身耳人亦執無道德仁藝要在立志而已矣○志立然後有用功處而入門下手主靜為先大學說定而後能靜而後能安此是心學的法眼漁溪子提出主靜二字為聖人立極之要二程子得之每教人靜坐吾人只被私欲纏繞終日憧憧心體障礙何由出頭學者入門先須屏去一切閒思邪念打疊心地乾淨使胸中常有疑靜寬平從容自得

之趣自然端倪呈露應事酬物皆合天則矣○心體非能自  
靜其功只在克己凡今之人只為自私自利一念萬起萬滅  
迷障終身在家則以家爭在國則以國爭雖其父子兄弟夫  
婦之間有不能保其終者不思乾坤寄託然之身古今猶旦  
暮之變百年之間光陰有幾勞心形役醉如夢生以圖名而  
名不可強欲專利而利不可得徒亂爾中何益之有惟能不  
以自私自利累其心一切淡然放下則合宇宙通萬物廓然  
澄然心体自能常靜矣○己之不能克皆由輕自放過檢點  
功疎常規管窺以一日科頭三晨晏起為平生罪過晦庵子  
說聽鐘聲未了心已他馳謝顯道以高道一聲亦是罪過吾  
人若能以此自警勇下工夫密檢點一世已私也不放過

須盡克去了他則通天徹地的學問頂天立地的事業都從此起而道德仁義一以貫之矣聖人不亦可為哉

子曰自行束修章

自行束修以上上字猶俗云奉上時說謂自薄以至於厚非是此處不重在禮物重在有求教之心故夫子未嘗無教也○扁鵲之門不拒病夫繩墨之旁不拒枉材師儒之席不拒曲士但有求教之心者則不擇而教之矣

子曰不憤不啓章

夫子於學者雖未嘗不教亦未嘗輕教所以不輕教者不是有吝教之心蓋激勵學者使之勉於用力以為受教之地也○憤者啓是畧開其求通之意慤者發是畧達其欲言之

亦非盡言以教之若盡言了何以又云舉一隅舉一隅貫續  
排二句說舉一隅以啓蒙必待以三隅反然後復教之而盡  
言以啟發也○隅字是借用的近何隅之有舉一隅亦不是  
即時要人及愚遲鈍的人難就曉得三隅只令他自去理會  
若不以三隅反便是不肯用力的雖復教他決亦不肯用力  
教亦是徒然耳○三字亦不必拘但能引伸觸類自一隅之  
外或至曉得幾件或少曉得兩件亦是善反的亦必復之然  
反之之外又以何者復之也蓋道理無窮雖能開一而知三  
其道無可更端而後教者即  
子食於有喪章

食於喪側不飽哭則不歌皆是古礼或者當時不行夫子獨  
行之故以為記○問樂是心之本休不知於哭時此樂還在

否陽明子曰須是哭一番了方樂此心安處卽是樂也○問  
聖人情順萬事而無情如何又哭則不歌曰無情猶云無心  
無心者豈是斬然無心只是無私心無情者豈是斬然無情  
亦只是無私情○發於天理不容已處愈生便休淨是以哭  
則不歌終不然只哭一場後便都是歡笑更無肅悼意○人  
情唯哀最易感人况聖人乎然聖人亦不爲哀感所傷喪側  
只未嘗能使不至哭哭日則不歌亦不一向去哭此皆中節  
處吾人打掃得此心明淨養到常定常靜處亦無不樂自不  
子謂顏淵曰節

此夫子爲顏子而發意在勉進顏子不只徒稱美他蓋顏子  
具體而微猶未到聖人之自然處故語之以此正是時雨之

仁若只稱美他不應面語之也○用之則行舍之則藏要看  
得活機地不可死殺分作兩截看以仕為通者用雖行而舍  
不能藏以隱為高者舍雖藏而用不能行顏子與聖人用之  
固行矣而舍之却便藏舍之固藏矣而用之却便行無意無  
必無固無我如日月之可升可沉如神龍之可卷可舒孟子  
云可以仕則仕可以止則止可以久則久可以速則速速其  
子路曰子行三軍二節

誰與：字同上我與爾之與子路意謂用行舍藏者固與顏  
子設若行三軍則與誰乎自負其勇必見與於夫子也  
暴虎馮河不是真有此事只借以說有勇無義者此等人行  
三軍必至挑禍而取敗故夫子不與○臨事而懼好謀而成

汎以素行說懼是心裏懼亦不是畏縮乃謹嚴而持重也好  
謀而成謂好經營筭度而動出於萬全也不必又添箇決斷  
盡蓋此非子路所少者此等人行三軍必能取勝而無敵於  
天下是則夫子之所與者矣○舊說臨事好謀二句統行三  
軍說然則暴虎馮河亦作行三軍可乎○愚嘗歷覽軍法孫  
吳諸家姑置不論卽以唐太宗論之非千古英雄之將乎太  
宗云軍法千章萬句不出乎方以誤之一句而已此太宗之  
軍法也又以晦庵子論之非俎豆中之軍旅乎晦庵云廝殺  
無巧妙只是死中求生兩軍相持一邊立得脚住不退卽靡  
焉此晦庵之軍法也夫太宗之論奇也晦庵之論正也正而  
無奇守將也奇而無正鬪將也奇正皆得國之輔也臨事好

謀二語聖人雖不專為軍事而然臨事而懼者非正乎好  
謀而成者非奇乎奇正皆得孰有如聖人者乎故其自任亦曰我戰必克  
子曰富而可求章

此重如不可求二句富而可求三句是設言以起下意不可  
求者命不可求也而吾字託為衆人說故以命安之不是夫  
子自吾若夫子自家則惟安於義耳命奚足道○一舉子曰  
習俗之溺人如醉者之酣於酒寐者之酣於夢也所貴乎君  
子者醉而能醒夢而能覺也習俗之醉夢人不獨求富一節  
凡詩文之必於工科第之必於中仕宦之必於顯皆是也須  
特地猛省作急回頭始得不然醉夢了一生矣○鴟鴞甘  
鼠螂蛆甘蛇不可求而強求之富貴功名亦鼠耳蛇耳何可強求也而乃甘之而不悔耶



子之所慎齊戰疾

夫子之心不待操而常存豈有不慎之時不慎之事特於齊戰疾三者尤致其慎故記以爲教慎齋者重神祀之敬也慎戰者重民命之仁也慎疾者重親體之孝也其所關亦甚天子在齊間韶章

陳敬仲是年之後齊傳得有韶夫子周流四方故適在齊而聞韶樂之音○三月上不必添學之二字夫子他日嘗贊韶曰盡美又久善矣豈待至此方學之耶想是優游涵泳意與之會而神與之游矣○三月只言其久不知味者心在於韶不暇及於他當食或不令食或設肉而不甚用見之者遂謂其不知肉味非真三月氣絕不食肉亦非食之而真不

知味也○夫子之心原自有韶在故聞之而卽感天機之相  
迎也不圖句不是前此不信今纔信之亦不是前此但得於  
彷彿今日却得聞其真也○大意謂韶樂甚盛知之久矣但歷  
世既遠樂久不傳意有作與未必尽如其盛也不意今為韶  
樂至於如此之盛使得身列后夔躬聆九歌躬逢九變其來  
儀之感召天覆地載之氣象又當何如耶蓋其祖述之心深  
喜舜樂之未失其舊故不覺其嘆息之形而慰悅之

至耳頃  
如此看

冉有曰夫子為衛節

夫子為衛君冉有不疑夫子取輒拒父是疑夫子許輒之意  
輒以子拒父要少不順而諷悟若子貢猶待於問者蓋亦疑  
蒯聵為父出奔輒嫡孫當立之說也○春秋書晉趙鞅帥師

納衛世子蒯聵于戚稱世子者以其父未有廢之之命而世子尚存也又書齊國夏衛石曼姑帥師圍戚主兵者衛以齊為之首者深罪齊人之黨意也夫子之不為輒又何待於問入曰伯夷叔齊節

子貢欲問輒事却問夷齊者一是父子爭國一是兄弟讓國此是則彼非可知也然夫子既賢夷齊則不為輒之意已明子貢以復有怨乎之問至聞何怨之語然後知其不為也蓋夷齊之賢子貢亦不待夫子而知之者但意賢人亦有過之者處二子雖賢或是一時之矯激而終不能以無怨則輒之拒父猶未甚得罪於天理也故問怨乎以審其趨而夫子告以求仁得仁又何怨則子貢曉然知二子之非出於矯激而

無纖芥之遺恨以此判輒之事其得罪於天理而見絕於聖人也無疑矣○仁是箇不忍之心以父命為尊者不忍於逆父也以天倫為重者不忍於先兄也全得這不忍之心故謂之求仁而得仁若輒之拒父則是忍與父抗善是可忍也孰不可忍也可謂仁乎○既以讓國為賢必以爭國為不賢既以讓國為仁必以爭國為不仁故曰夫子不為也○看來夷齊亦恃有中子可立又恃中子之賢不容於再讓故得為仁賢其後之篡夷齊者若無所恃賴而漫以國讓則宗祀由此而廢禍亂由此而起矣惡得為仁賢哉

子曰飯蔬食飲水章

夫子之樂是自有一種樂處不與貧富相干但此樂處富貴

則在富貴中。處貧賤則在貧賤中。在富貴中見得不分曉。在貧賤中方別出。故孟子於貧賤處說○樂在其中。此樂說起。容易實臻。最難故曰無。孟子勿忘勿助。工夫驟而語之以曾點見趣。亦似說夢兒。聖人此樂乎。吾人欲臻此樂。須是從山窮水盡處。討刀口絲尖上。識取臨境對陣時。證驗着些兒。擬議靠脚不着。參些兒意氣。情興不得。參着些子。便不在其中。  
子曰加我數年章

夫子一身渾是易。本無待於學。即學亦無待於假年。乃云加我數年。以學易學。亦僅可無大過者。蓋深見易道之無窮。且使人知其不可不學。而又不可以易而學也。○加我數年。不是加年紀。若作年紀。是欲得壽了。須以工夫說。○易備三才。

之道是故君子居則觀其象而玩其辭動則觀其變而玩其  
占現象玩辭三才之體立矣觀變玩占三才之用行矣體立  
故存而神用行故動而化神故周知萬物而無方化故範圍  
天地而無迹可以無大過者夫子之謙詞也。

子所雅言章

六經皆心學如詩之無邪書之執中禮之無不敬皆心學也  
中間敷衍康衍是文字不同夫子雅言詩書禮總歸到心學  
上來不是教人讀書為文而已○問易與樂夫子何故不雅  
言曰六經只是一理明得詩書禮了易與樂便一以貫之且  
不說人情政事却先把箇吉凶說不說節文之謹却先把箇  
聲容說聖人自不如此○念庵子曰無所不應不可一日而

而釋卷寧無多識不可一息而罔生詩書禮之雅言卷不釋矣徒言詩書禮而已者生不幾於罔哉

葉公問孔子於子路章

子路不對是恐葉公不足以知夫子亦是難以言語形容夫子○看來葉公知白公之必亂知子西子期之不能弭亂而國人望之若望歲若望慈母亦是可

與言者子路奚為不對故夫子曰女奚不曰節

子曰女奚不曰節

陽明子曰發憤忘食是聖人之志如此真無有已時樂以忘憂是聖人之道如此其無有憂時忘不必云得不得也○不知老之將至亦不必云憤樂之循環只是與道終始

殘身而已矣○

子曰我非生而知之章

當時人以生知稱夫子故夫子云我非生而知之者好古敏求以知之者知是知此理此理只在此心此心卽是此理學者學此心也求者求此心也好古敏求是好古人之學而敏求此心之理也晦庵子註云古今事變禮樂名物亦必待學而後驗其實舍却此心之理不學乃到古今事變禮樂名物處求知便不是聖人之學矣凡學術不明放其心而不知求以至倍其功而無所用者皆此註誤之也雖然誤之者尹氏也晦庵亦置之園外矣可以此為宗盟哉

子不語怪力亂神

語常不語怪語德不語力語治不語亂語人不語神聖教自是如此○夫子於春秋紀災異戰伐篡亂於易禮論鬼神此



却云不語者平時語不及此也○問神卽神僊之類夫子固  
不語矣畢竟有無如何曰陽明子答神僊問云僕坐八歲即  
好神僊之學今已餘三十年齒漸搖動髮有一二莖變白目  
光僅盈尺聲聞函丈之外又眩經月卧病不出藥量驟進此  
殆其效也而相知者猶妄謂之能得其道足下又妄聽之而  
以見詢不得已姑爲足下妄言之古有至人淳德凝道和於  
陰陽調於四時太世離俗積精全神遊行天地之間視聽八  
遠之外若廣成子之千五百餘歲而不衰李伯陽歷商周之  
代西度函谷亦嘗有之若是而謂之曰無疑於欺子矣然其  
呼吸動靜與道爲體精骨完名稟於受氣之始此殆天之所  
成非人力可強也若後世拔宅飛昇點化投奪之類謫怪奇

駭是乃秘術曲技尹文子所謂幻釋氏謂之外道者也若是而謂之曰有亦疑於欺子矣夫有無之間非言語可明況存久而養深自待之末至而強喻信亦未必能及也蓋吾儒亦自有神僊之道顏子三十二而卒至今未亡也足下能信之乎後世上陽子之流特方外技術之士未可以為道若達磨慧能之徒則庶幾近之者然而亦未易言也足下欲聞其說須退處山林三十年全耳目之心志胸中灑然不掛一塵而後可以語此矣

子曰三人行

此泥為衆人說不可泥我字我非夫子之自我也○善者不善者姑以一善一惡對說以見善惡皆我之師若兩人皆善則皆從兩人皆惡則皆改若一人之身有善有惡則亦從其

善而改其惡無往而不是師也○陽明子曰善者是吾師不善而亦吾師如見人妄言吾便自省亦妄言否見人好高吾便自省亦好高否這便是相親而善家聚得益○三人能幾何一行能幾時猶可取益如此況群居終日者乎○四方之人莫非我之師也昔人有奔走四方者皆是求師之意故苟遇其人雖崎嶇險阻所不恤也苟不得其人則崎嶇險阻者亦且以為動忍之助而懲宴師之害亦所不悔也師乎師乎四方且奔走而求柔同行者何幸而不師之哉

子曰天生德於予章

夫子平日不以聖自居及遇桓魋則曰天生德於予畏於匡則曰文不在茲乎蓋不以聖自居者謙己之本心遇患難而

自信者慰門人謗強暴之意也○夫子雖知時人不能遠天  
害已然避患未嘗不深避患雖深而處之却未嘗不閒暇故  
桓魋伐樹之後微服而公而亦不速去也

子曰二三子以我為隱章

夫子之言性與天道不可得而聞者正要學者留心於事為  
之實以審其至當之歸則天載之無聲無臭者即此而在也  
二三子不知其然乃謂夫子之道必有高深不可及者而平  
日教人皆無高深之論是必有所隱而然故夫子釋之曰二  
三子以我為隱乎吾無行而不與二三子者是則立之為立  
也今觀夫子一動一靜一語一默莫非妙道精義之蘊是其  
高深而不可及者已畢露於日用常行之間矣何嘗有隱於

子以四教章

二三子乎④愚意二三子以言語觀聖人故夫子言語不及  
處使疑其有隱夫子此處是提醒他我與二三子者不專在  
言語無行而不是與也分明說出行字來對言語說見体道  
貴在身心上實實落落用工夫若言語上來只是口耳過了  
全不濟事此與天何言哉四時行焉百物生焉同意高深不  
可及之語不用脈脈  
知行原言合一之學然會得時合說也好分說也好如此處  
說文是知行是知得是行分却亦不妨忠信卽是知行處忠  
信也盡心盡意不敢苟且之謂忠實實落落不敢虛妄之謂  
信○夫子之教果止於四乎然又曰吾無行而不與是不止  
於四也果待於四乎然又曰吾道一以貫之是不待於四也

果待於四乎然又曰吾道一以貫之是不待於四也要在人  
之自得而已融自得於心則博約卽所以為卓爾忠恕卽所  
以為一貫而無行不與者非卽所以為予歎無言乎蓋四教  
者匠之繩墨羿之彀率也而巧則存乎其人當必有躍如之  
妙出於彀率繩墨之外者矣中道而立融者從之信哉  
子曰聖人吾不得章

聖人是大而化之者君子是大而未化者善人是不為惡而  
猶未至於君子者有恒是重厚朴實而又下於善人者  
亡而為者飾不是反說以申言有恒之義蓋舉世皆虛誇而  
有恒難其人也亡是全無有者稍有虛是稍有盈者具足約  
是拘檢泰者從容三為字正見其作為之矯處

章內的意思只重在思聖上不重善人君子然要到聖人地位須以有恒為入德之門柰之何舉世皆虛誇而有恒者亦難得然則聖其終不得見耶末須補出人當有恒以入聖而子鈞而不綱章

聖人之心天地生物之心也親親而仁民仁民而愛物皆是心之發也然於物也或為養與祭不得不取之但取之有時用之有節不絕流不射宿則皆養之盡仁之至而天理之公也使得其邦家而治之為獸魚鼈其咸若矣若乃窮口腹以暴天物者固人欲之私也而異端之教遂至禁殺茹蔬殞身飼獸而於其天性之親反戕然而無情焉則亦豈得為理理之公哉子曰蓋有不知而作章

天下事莫不有理作其事者必先知其理我無不知而作者  
蓋以我多聞擇其善者而從之我見而識之是雖於理未盡  
知亦是知之次也以此而作作者所從者也作其所識者也  
焉有不知而作者乎○知之次也且依晦庵子說時文不得  
不然耳○陽明子曰蓋有不由良知而作之者我無是也此  
正以明德性之知非由于聞見也若曰多聞擇其善者而從  
之我見而識之則是專求諸見聞之末而落在第二義了故  
曰知之次也夫以見聞之知為次則所謂知之上者安所指  
乎是可以窺聖門致知用力之地矣○良知是此心靈覺的  
妙處從中見流出來處原恰好体卽是道而用卽是義取之  
不窮而用之不竭非知之上者而何也陽明子自謂萬死一



生中得此二字亦苦心矣奈何近日學者專以知解為良知而無萬死一生之功輒高談性命玄之又玄而試以經綸之事則皆不識作何狀者競笑來儒以聞見為致知而不知其所謂良知者亦聞見也以窮物為支離而不知其所謂忘物者支離尤甚也求其實致德性之知而為知之上者兇何哉

### 五 鄉雜與言章

此章正見聖人天地之量五鄉既雜與言童子又非成人且許他進見真箇天地無棄物聖門無棄人也後之以理學立門戶者矜已傲人無論不善之鄉小子之輩即賢士大夫有志問學者三五返輒不得見亦不與之言言亦不過數語一峯子云假不假字真不真嚴嚴氣象好難親又有云蒙民

物蠢伸頸好客臨門鼈縮頭此何等醜聲也而敢繫籍望賢  
耶以故偽學之議起而理學二字遂為世之大禁得罪於天  
地得罪於聖門者莫此甚矣吾力猶能辟諸市朝

子曰仁遠乎哉章

仁遠乎哉虛說哉欲仁二句正見仁之不遠欲字不止心裏  
欲須盡為仁之功方是欲仁斯仁至矣斯字甚緊謂至之甚  
速也總見得不遠之意○問仁卽是心非在外者欲仁仁至  
又似自外而至如何曰人心操則存舍則亡當其舍亡之時  
有似失而在外者是以欲仁仁至似自外來耳

陳司敗問昭公節

陳司敗問昭公知禮夫子亦云知禮者司敗以別國大夫問

吾君知禮又不顯言其不知禮之節答之宜如也若直以不

孔子退揖巫馬期節

魯吳皆姬姓宋是子姓昭公籍吳之強娶其女是以同姓為  
昏不稱孟姬而稱孟子者以子諱姬也然既欲諱姬又不當  
謂之吳既謂之吳又不曾諱淫姬下蓋當時魯只稱孟子謂  
之吳孟子者想是別國譏諷之詞係一吳字以暴其事見其  
終不可掩耳○巫馬期嘗宰單父以星出以星入以庸親之  
而治問子賤曰子鳴琴而治不見其勞何也子賤曰敝任人  
子任力任人者佚任力者勞然雖勞亦賢宰也附記可也  
巫馬期以告節

夫子不可自謂諱君之惡又不可以娶同姓為知禮故只辭

詔以為過天子既受以為過則昭公不祥為知禮亦知○丘  
也幸只是有過必知上見知於以知於已而不至啜味啜殺  
便是可寧不必添出改過意來以此過無容改也○葉公以  
證父之惡為直司敗以諱君之惡為黨彼蓋知直之為公黨  
之為私而於父子君臣則戾如也微聖人大道其隱乎○春  
秋於此事亦止書孟子卒而不稱夫人若曰非夫人然者諱  
之也凡事屬於魯君弑則書薨易地則書假城國則書取出  
奔則書遜屈已而與強國之大夫盟則書及叛盟失信而棄  
適守則沒公而書會此類皆是為君父諱也聖人之忠孝如  
子與人歌而善章

必使反之不是使之復歌以取其善謂使之反覆紬繹自

之肯趨而知所以善處而後和之却自歌一番與之相証正  
是聖人虚心處亦不見是與他善○禮曰歌者上如抗下如  
隊曲如折正如蒙木偃中矩句中鉤崇崇乎端如貫珠故歌  
之為言也長言之也說之故言之言之不足故長言之長言  
之不足故嗟嘆之嗟嘆之不足故不知手之舞之足蹈之而  
天地之應四時之和星辰之理萬物之育亦皆係於此也歌其可以不善哉

子曰文莫吾猶人章

文是以行之理言之於口躬行是以言之文者行之於身文  
猶人而行未得可見言易而行難言輕而行重也○吾人唯  
心是根本行是實也言却畢而不實聖賢地位豈言語所能  
襲到故夫子深自責必欲躬行而後已也○文莫猶人只是

文人耳不是君子躬行總是君子人不為君子也可乎

子曰若聖與仁章

聖可以包仁此處以仁聖並言者當時稱夫子為聖又稱夫子為仁故云爾若聖與仁吾豈敢當之但以仁聖之道自為則不厭而猶未至於仁聖也以仁聖之道誨人則不倦而自己實非仁聖也人之云我者則可謂如此而已外此而云我為仁聖則豈敢當之乎○為不厭誨不倦重在不厭不倦上不厭不倦即純亦不已也使非實有仁聖之道者必有時而不厭倦矣弟子汎說不能學重在實有仁聖上弟子非實有仁聖者也雖能為之不能不厭乎雖能誨之不能不倦乎

子疾病章

子路請禱差處只在一請禱是臣子之禮但其詞則述病者  
悔過遷善之意以謝鬼神之譴而不使病者得以與聞病者  
若與聞禱是不安其死而諂於鬼神以苟須臾之生也故夫  
子不許子路之請若以此告子路便又洩露了所以只云丘  
之待久矣○待是悔過遷善以謝鬼神之譴怒丘之禱又者  
平日有過常悔有善常遷以禱於鬼神久矣不待今日而後  
禱也咄庵子云未嘗有過無善可遷而素行已合於神明則  
呼曰奢則不孫章是無所禱於神矣何附云禱久矣乎

天下事貴乎得中奢者失之太過儉者失之不及俱失中而  
不足貴也但奢之害太儉之害小故與其奢也寧儉○儉字  
看來亦有益太亢奢者貪取苟求而志氣易餒儉則無求於

人而不愧不屈是可以養氣也奢者醉醲飽鮮而神精易昏  
儉則疏食水飲而清虛無穢是可以養神也奢者舞女歌兒  
而荒淫病瘵儉則縞衣綦巾不瘵不夭是可以養壽也奢者  
用盡一生而不留餘福儉則有餘不盡而畱還子孫是可以  
養後也不然寧儉寧固之教夫子何憐憐哉

子曰君子坦蕩蕩章

君子是蕩蕩者而又曰坦言其無適不蕩蕩也小人是戚戚  
者而又曰長言其無時不戚戚也○問君子坦蕩蕩心胸何  
等灑落然又云君子之心常存敬畏敬畏之增恐不肱不為  
灑落之累陽明子曰君子之敬畏非有所恐懼憂患之謂乃  
戒慎不覩恐懼不聞之謂也君子之灑落非曠蕩放逸縱情



肆意之謂乃其心体不累於欲無入不自得之謂也夫心之  
本體卽是天理之昭明靈覺者謂之良知君子之戒慎恐懼  
惟恐其昭明靈覺者或有所昏昧放逸流於非僻邪妄而失  
其本體之正也戒慎恐懼之功無時而間則天理常存而其  
昭明靈覺之本體無所虧殺無所牽擾無所恐懼憂患無所  
好樂忿懣無所意必固執無所歉餒愧怍和融莹徹充塞流  
行動容周旋而中禮從心所欲而不踰斯之謂真灑落若是  
灑落生於天理之常存天理常存生於戒慎恐懼之無間孰  
謂敬畏之增乃反為灑落之累耶惟夫不知灑落為吾心之  
體敬畏為灑落之功岐為二物而分用其心是以互相牴牾  
動盪拂戾而流於欲速助長是吾子之所謂敬畏者乃大障

之恐懼憂患而昨中庸戒慎恐懼之謂也此說妙哉

子溫而厲章

溫威恭三字是主厲不猛安卽在溫威恭之內溫而有厲者存是溫得好威而有不猛者存是威得好恭而有安安之妙是恭得好蓋其德性之所蘊者與陰陽而合德故其氣象之所著者自中和而不偏也○恭而安橫渠子十五年學不成熟學如何就能得然也須要勉強時時此恭敬處此恭敬久久自然習熟而安矣勉強而行之安而行之者又

其成功一也信哉

泰伯第八篇

子曰泰伯可謂至德章

泰伯可謂至德者既讓其位而又泯其迹既不為利而又不

為名見得天理合如此便如此不着分毫意思故謂之至德  
一○泰伯之逃必斷髮文身者不示以不可立王季終不安也  
且併仲雍逃之者令王季之上無復有兄之可立也真是讓  
之固矣○愚意泰伯三以天下讓是因王季有聖子聖孫可  
相繼而安天下他子孫不若王季縱有國亦不祿相繼安天  
下也故以國讓王季是以天下之故讓也以天下之故讓者  
不是要王季之子孫剪商而取天下是要輔商而安天下也  
此之謂以天下讓民但知其讓國耳豈知其以天下之故耶  
故無得而稱焉晦庵子云太王之時商實衰而周強太大王  
因有剪商之志泰伯不從夫太王遷岐在商小乙之世至高  
宗而中興又五十九年商正未衰也太王安得有剪商之志

乎又云泰伯之德當商周之際足以朝諸侯而有天下夫泰伯之德想亦只如文王文王當商紂之惡時勢亦難為也况泰伯之時商君未有如紂者時勢尤難於文王矣安能朝諸侯而有天下乎又云泰伯棄天下而不取是以天下讓之王季夫泰伯若有讓天下於王季之意是他雖不取天下而却欲其弟之取他欲逃不忠之名而却以不忠貽弟之子孫矣可乎一云太伯不從太王商得以及不剪是以天下讓之商不是讓於王季夫太王若有剪商之志而太伯又以國讓王季商室畢竟剪矣太伯既欲存商何為不自立乎而既讓於王季矣又安得為以天下讓之商乎

子曰恭而無禮章

此四句聖簡禮字禮者天理之節文卽是中之所在凡事貴乎得中不中便各有弊如恭慎勇直皆德之美者無礼以節文之則不當恭慎而恭慎不當勇直而勇直其弊為勞為憊為亂為絞可見事事都要有礼在也

君子篤於親節

親兼父母諸父昆弟子姓故舊是平素至交的人篤之義重不遺之義稍輕天理人情自有輕重之別也○篤於親上仁矣則民與於仁亦是篤于親故舊不遺上不偷矣則民不偷亦是不遺故舊○楚昭猶懷墮篋野婦猶哭亡簪况于親而可以不篤故舊而可以遺乎

曾子有疾召門弟子章

曾子命弟子啓衾而視乎足是以手足見一身之全然所以如此全者亦有所自來也詩云戰戰兢兢如臨深渊如履薄冰平日之保身如此故而今而後知得免於毀傷而可以全歸也語畢又呼小子以致丁寧之意亦要他如此之保身其自為為人者盡之矣

曾子有疾孟敬子問之節

孟敬子問疾曾子將告之以言恐其不能識也故曰鳥之將死其鳴也哀人之將死其言也善今我將死之言亦善言也不可以不識也○人性本善其惡者役於氣陷於欲也將死之時氣消欲息故反本而言此是九人也聖賢豈至此乎自謙之詞耳君子所貴乎道節

敬字想是留心細事不知大本的人故告之曰道雖無所不在然君子所貴乎道者則唯有三事容貌顏色辭氣皆是出身而加民者也動容貌而遠暴慢便可以作民敬正顏色而近信便可以作民之孚出辭氣而遠鄙倍便可以作民之式此是修身之要為政之本而君子之所貴者也若夫籩豆之事雖亦道之所在然特器數之末守之者有司而非君子之所貴矣○三斯字緊接上三字讀只是一句三者亦是說道之見成的不是用力要如此籩豆是以一二該其餘也名物各件豈全不要理會但是不緊要的事君子不以之為貴耳○三者之道都從心上出來養得心裏至精至一自然一以貫之矣何有於三者亦何有于百行何有于千變萬化哉

曾子曰以能問於不能章

以能問於不能四句只遞遞說下不必以下二句為推原其  
好問之心如此看更直捷有味○能問不能要問寡一則曰  
問寡則曰問道要曉得問的頭腦本以致吾心之良知為主  
孜孜問究莫非致良知之助不是全靠別人只成箇區區只  
耳的學問○問不能想是我有些未識處人雖不能然或我  
未識者他又識得故問之若已識了又去問人那人又是不  
能的如何答得却不枉費了工夫問於寡亦然○犯而不校  
不是氣弱不能與之校亦不是隱忍不欲與之校亦不是慮  
患不敢與之校亦不是待之以禽獸而以為不足校包含偏  
要不知我之有問於人而愷悌慈祥亦不知人之有犯於我



萬物既皆是我我又不將誰校也○陽明子曰犯字是犯添之  
犯如大明律不曾有罪懸法設科人自犯之設使彼有九分  
九釐罪過我有一釐不是均是犯添非彼犯我也必是我全  
無不是彼全無是處然後謂之犯如此而又不校愛敬調停  
之心不倦不厭方是好學○不曰問於能與否而曰不能與  
寡不舉其他事而舉一犯而不校是以此該彼之意不能與  
寡且問矣况能與否乎逆境且不校矣况順境乎○昔者吾  
友是感昔傷今之意便見今無其人了從事於斯不是着力  
去從只是已能如斯也吾友不知為誰氏斷以為顏淵者此  
事在聖門能者有能耶

曾子曰可以託六尺之孤章

此章才節一般重託孤寄命是才臨難不奪是節君子是成德之人才者德之用節者德之守二者兼全故為成德之君子○六尺之孤年十五古尺短不似今天然亦只云其幼如更年小亦是幼君若幼國危奸雄皆萌覬覦臣民皆無統屬正是難為之際若祇維持幼君使奸雄不敢乘釁臣民不敢離心信非有過人之才者不勝也○寄百里之命是獨自寄之而無君與共理也臨大節又開說大節有死有生死而能成天下之事者固是不可奪生而能成天下之事者亦是不可奪也若拘定死節便差矣○君子人與二句只重下句設為問答之詞蓋審之又審而決其為君子人也彼有才無節者小人耳有節無才者善人耳可謂之君子哉

曾子曰士不可以不弘毅節

士不可以不弘毅弘是寬廣寬便容受之柔廣便承載之潤毅是強忍強便執守之堅忍便負荷之公此二者惟無私縛能得有私便狹小便萎靡上夫只在克己○任與道總是一道理即任之道也弘與毅總是一事教即弘之公也任重道遠正見不可不弘毅意不弘則無以任重矣不毅則無以遠矣

仁以為己任節

任重道遠是如何仁以為己任是任之重也死而後己是道之遠也亦要繳弘毅意任重如此故不可不弘惟弘則能任此任矣道遠如此故不可不毅惟毅則能道此道矣○仁之道太士以藐然之身任着要為天地立心為萬民立命為聖

人繼絕學為萬世開太平。其任之重真無以加者。在生一日便一日。此任仁在生一時便一時。此任仁擔當到底。終是死了方休其道之遠亦甚矣。○此章之說曾子是得之夫子者。夫子曰仁之為器重。其為道遠。舉者莫能勝行者莫能至。任重道遠之謂也。又曰高山仰止。景行行止。詩之好仁如此。鄉道而行忘身之老不知年數之不足。僥焉日有孳孳。斃而後已者。仁以為己任死而後已之謂也。信乎曾子之得統於夫子矣。○大學之著一貫之唯弘可見矣。手足之啓易簣之難毅可見矣。此章之說曾子亦自傳神者哉。

子曰興於詩章

此章大意程子說之已詳。願聖人之意。夫要以心為主。蓋天

下無心外之理。君子無心外之學。興於詩是與此心立於禮。是立此心成於樂。是成此心。總只為此一箇心。不為詩云禮云樂云而已也。○興者好善惡惡之念。起立者為善去惡之事。定成則惡盡消融而善益渾化。雖說由詩禮樂要之尚有工夫在。不是平日全無工夫。只由詩禮樂便能如此。蓋其工夫將到興立成處。詩禮樂來一資。他便興立而成矣。○此心自有真詩真禮真樂三百者。詩之文三千者。禮之文五音十二律者。樂之文。是末也。真是本也。學者須當深探其本。不可徒恃其末。夫子此處乃教人本末兼盡之意。若忘了本。領全以末著為務。則差矣。程子云。古之成材也。易。今之成材也。難。材之所以難成者。逐末忘本故也。豈不詩不禮不樂之

過耶今之學者人習一經其也詩書某也禮樂某也易春秋  
若蠹魚之老青編若犬豕之嘍糟粕非無所與者辭章之  
好而已矣非無所立者科甲之名而已矣非無所成者  
富貴之私而已矣晦庵子云雖有長材美質可入聖賢之域  
者往、為俗學頽風驅誘破壞而不將有所成就成材之難  
既甚於古而治化之不古者亦甚矣末流之弊至此哉

子曰民可使由章

此是論凡民天下只一理所由者此理所知者亦此理不可  
使知之卽是不知其所由者之微妙處○知字不是淺淺之  
知乃心領神會深知其所以然者民亦不是終於不可知須  
要待其自得人却不可使之也○人君治民之意微在言外

惟民可使由而不可使知則君亦但當使其由而不必強其知也歐陽子曰治其可知者置其不可知者是謂大中之道矣  
子曰好勇疾貧章

人之生乱有二有乱在秋者有乱在人而致之自我者好勇疾貧與人而不仁疾之已甚二者之心雖有善惡之殊然其生乱却一樣以此觀之人固不可自為乱亦不可自取乱也  
○陽明子曰君子與小人居決無苟同之理不幸勢窮理極而為彼所中傷則安之而已處之未盡於道或過於疾惡或傷於憤激無益於事而致彼之怨恨讎毒則皆君子之過也  
與惡人居如以朝衣朝冠坐於塗炭伯夷之清也雖袒裼裸裎於我側焉能浼秋柳下惠之和也不以三公易其介彼亦

何嘗無伯夷之清哉

子曰如有周公之才章

自古多才多藝莫如周公故云如有周公之才之羨驕是以才誇于人各是不以才公于人其餘不足觀是不足觀其才也夫不驕不吝雖不如周公者亦足以利用况有周公之才者乎驕而且吝雖美如周公者亦不足觀也况未必有周公之才者乎○人須要寬著心胸大著眼界豈惟才藝不可驕吝雖勲業到周公亦不可驕吝也此是我分內的事雖名位到周公亦不可驕吝也此是我身外的物驕吝曰不足觀絕之之詞也人而見絕於聖人也惜哉

子曰三年學不至於穀章



三年學只見其學之冬不是止於三年便不學○學者學為聖人也聖人之學此心此理而已矣若只要博古今工文詞取祿位以為學則古來這等人不少豈為難得志學之士誠能去一切支離之用全虛圓不測之神勤勤懇懇不失我本來面目實實落落要做成一箇聖人至於祿位一事雖未嘗有輕棄之意亦未嘗有干圖之心如浮雲然任其自來自去如花果然任其自落自開這等人此心純乎此理窮居時定不損聖人之疏食飲水曲肱而樂者此矣大行時定不加聖人之忠君愛民故事後食者此矣難得哉

子曰篤信好學節

此士君子之本領篤信守死還未分是否必好學然後取信

者是必善道然後所守者是蓋篤信者只自信其是未知其  
於理何如也好學則知窮理而所信者為真是矣守死者只  
自守其是未知其於理何如也善道則行皆中理而所守者  
為真是矣  
危邦不入節

篤信好學是有學者守死善道是有守者有學則邪世不眩  
惑而自知去就出處之義有守則私欲不能索而自得去就  
出處之正故危邦不入亂邦不居天下有道則見無道則隱  
去就出處都有箇真是之理在○危邦不入是未仕在外而  
不入若已仕便當見危授命不可太了亂邦不居是已仕在  
內便是兇而蚤去若待其危亡亦不可太了此不止為遠害  
之故蓋去就不密以及于難亦是枉死也守死善道者肯枉

死於危亂之邦乎○天下有道不必十分太平後見若十分  
太平則見之亦何為也天下無道亦不必十分大亂後隱者  
十分大亂則禍已及矣亦豈容於隱乎

邦有道貧且賤節

此是餘意邦有道而貧賤者不是甘於貧賤自無學  
人不用之也邦無道而富貴者不是人用之富貴自無所守  
而希世投合也此其本就之義不潔出處之分不明皆緣不  
篤信好學不守死善道故耳○二恥字是提醒人羞惡的良  
心激人學守的意思人不可以無恥知恥近乎勇  
子曰不在其位章

上下各有位不在其位而謀其政是謀欲為之也有侵越職

有子曰周雖大樂  
所奏樂之足金  
周禮之記樂  
音之記也

分之意故不可若只去謀慮亦何害濟川之舟已造於傳岩  
之野鷹揚之翼已奮於清水之濱此豈皆在其位而後有是  
子曰師摯之始章

此夫子追思往事之詞閔雎之詩自天子至鄉人皆得用非  
若他詩用于上而不敢用于下且通為宗廟朝廷郊祀宴享  
卒樂之章非若他詩不相為用獨舉此詩者固以見一樂之  
亦以見衆樂之盛也○問衆樂通以閔雎為亂如何曰樂是  
宣性情者閔雎樂而不淫哀而不傷得性情之正故以之為  
亂亂者理也總理樂章之終也終之美如此始之美可知矣  
○正樂者夫子作樂者師摯故洋洋乎盈耳今則官非其人  
樂非其正而洋洋乎先者絕響於後矣不亦可深長思耶

子曰狂而不直章

狂的人直直便知得是狂侗的人愿愿便知得是侗性性的人信信便知得是性慥狂而不直便不成箇狂侗而不愿便不成箇愿性性而不信便不成箇性慥不知是那樣人故曰吾不知之矣○狂侗性慥是拘於氣稟不直不愿不信是又壞於習俗真棄人也真絕物也知其為棄絕者而改之焉則不肖之教誨是亦教誨之而已矣

子曰學如不及章

學是學去人欲而有天理此二句莫以功與心分看都是用功時的心如不及者心裏如不及猶恐失者心裏猶恐失也既然如不及必定無所失了却又猶恐失之則是時時刻刻

常存敬畏之心譬之撐上水船勇着篙子如不及上這一灘上了這一灘時猶恐流下那一灘篙子不敢些兒停乎便何灘之不上何遠之不到學問如此又何人欲之不忤天理之不存而聖人之不可為哉

子曰巍也乎舜禹章

古來聖人有天下皆是不与此獨云舜禹者舜禹是匹夫一且為天子而有天下尤出於望外也他却以為意故贊之曰巍也○舜禹有天下而不与不是將天下与秋判而為二不去照管只是自盡我治天下的道理不以天下的富貴動心不作一些氣勢似乎天下不相干預一般○嗚呼富貴功名之場沉溺於其中者天下之通病也不知其痛苦而反以

為至樂者即吾輩亦不能免終得一出身便以為天下第一  
流人物美田舍業妻子便以為天下第一等福極與一利除  
一害便以為天下第一等事業噫何其志之小而識之卑也  
舜禹有天下而不與者來還不是不以富貴功名為樂之說  
他更忘却富貴功名了蓋以天下者天下之天下以身與  
乎其中而要其至即此身亦與天下共之矣故曾點之樂超  
出乎事功之外而明道子謂堯舜事業如一點浮雲過太虛  
此等胸襟直是與宇宙同其廣大此等器量直是納湖海而  
不盈此等仔細直是負華岳而不量何者識得此体与天地  
萬物為一也視被軀殼上起念自小自卑而一物不可通者  
奚啻鳳凰之於鸚鵡哉

子曰大哉堯之為君章

大哉堯之為君是為君之德極其太巍巍以下正見其大慶  
德就心裏說全體大用都在于此要說得渾渾淪淪磅礴不可數  
其實而稱之終見是則天終見是湯上無能名○則字是準  
則之則堯與天之德一樣故曰則天湯上就承則天說太夫  
蕩上無能名堯亦蕩上無能名也雖是典謨之所紀康衢之  
歌亦不過云帝德廣運而已峻德克明而已不識不知帝  
力何有而已孰能以一善名之哉

巍上煥乎二句說成功文章總歸重德上摠見其德之大德  
是成功文章之根本成功文章是德之發用此處亦要應則  
天意天無能名所可見者只四時之成功日星之文章而已



其於穆不已之德則終不可泐而名也堯無能名所可見者  
亦只治平之成功祀樂之文章而已其蕩蕩不測之德亦終  
不可泐而名也信乎堯之則天矣○德至於堯雖是大哉無  
皦名者然豈天下之絕德乎亦曰中而已矣夫則堯者舜也  
道心惟微惟精惟一舜之協帝者以此則舜以則堯則堯以  
則天不亦存乎其人也哉

舜有臣五人二節

此二條是因夫子有才難之歎故先記二代人才於此○舜  
之臣多是堯時人故下云唐虞之際然亦不止五人五人是  
其尤者武王之臣治內治外者十人以此皦克商亂而造周  
二代人才平重下文總以周室為主

孔子曰才難節

唐虞只以之形周室自古至今唯唐虞交會之際人才最盛一番繼而便是我周人才何其盛也然十人之中又有箇婦人男子特九人而已以如此之盛猶不滿十人之數况不及此者乎信乎人才之難得矣○唐虞之際際字不可忽二代交際之間纔可如周之盛若是唐不際虞虞不際唐則其盛亦不能如周也可見周之盛矣○問唐虞只五人周却十人唐虞還似不及周乃云唐虞之際於斯為盛何也曰五與十的數目較不得人才不以多寡為盛衰顧其人何如耳○才難之數是令人愛惜人才之意夫才也者其生在天其成不在天天生之而君成之亦君壞之生於天而壞於君而曰天

下乏才也可乎夫才莫難於成而莫易於壞士之幼而壯壯而老父兄之所訓誨師友之所薰陶者不知其幾何日博之古今以入其智裁之世務以出其能者不知其幾何事或前之過而後補之以功或彼之短而此濟之以長當陰易而涉風霜者不知其幾何變閱日之久也更事之屢也應變之熟也而其才猶有不成者信乎才之難得矣幸而成也君當何如而保養愛惜之耶夫愛惜人才非獨爲人才計所以自爲社稷計也社稷而不爲之計則至于丘墟矣詩曰人之云亡邦國殄瘁悲哉

### 三分天下有其二節

此條宜別爲一章若通前作一章者是因武王之言而及文

王之德言我周之才固與唐虞之才而並盛而我周之德亦與唐虞揖遜之德而並隆也一說我周之才培之者以文王之至德也是立意作文之論○三分天下有其二只是那三分的人心歸了還未嘗有其土地○文王之事商惟知以臣事君之義而已都不見其他也故謂之至德若謂商之先王未忘而不忍取又謂紂之惡未甚而不可取又謂紂尚有一分之天下而不敢取則事紂非其本心亦是不濟紂者耳可至德乎子曰禹吾無間然章

此章晦庵子作豐儉適宜之說似乎小於視禹此正禹萬物一體之心皇皇然欲安天下而不暇為其身圖也宮室之卑衣服之惡飲食之菲吾居之衣之食之蓋其心在此而不在

彼有不自知其為薄者正是視人之溺由已溺之有天下而不與也至於清洫所以為民蔽免所以臨民鬼神所以神民者吾安得而不厚之也心之所願唯與天下致平成之績斯已矣而吾身何與耶夫禹之功在天下萬世雖以天下萬世奉之可也而所以自奉者若此今之人曾無尺寸之功徒以瑣瑣章句博一出身即廣置田園高大門第錦衣繡裳珍馐異饌猶不知足也營營然更忠所以瘠人而肥己視其鄉黨中已不啻秦越矣復何有於天下也其禹之罪人哉

子罕第九篇

子罕言章

夫子罕言利防學者之趨乎利罕言命與仁以學者之未易

及此既不欲人溺於卑近又不欲人驚于虛遠真聖人之教也○聖人作事論事只看義理如何更不論利不利所謂論是非不論利害論得失不論成敗也雖于易每言利見利攸往利涉川之類然亦是教人先去盡義不是教人舍義求利也如云貞利吉者貞則利不貞則不利矣○命兼理氣以理則聲臭俱無性與天道不可得而聞是也以氣則雜揉難辨道之將行將廢得之不得有命之類則有為而言也○問仁之答儘委然皆求仁之事未及仁之全体雖克己復禮為仁已欲立而立人已欲達而達人是論仁之軀也然畢克亦言之罕矣

達巷黨人節

大哉二字黨人意指博學博學統六藝之類說亦未為知夫

子之大者美其學之博輕只重惜其無所成名也

子聞之謂門弟子節

夫子之太本末精粗一以貫之者黨人就粗處說執射執御  
夫子亦只就粗處說然又舍了博學似全未博學者只認著  
無所成名一邊欲執一藝以成名謙之至也黨人惜夫子之  
太不以一善而成谷不知夫子之所以為大者正在不可以  
一善名也蕩蕩乎民無能名焉堯之所以為大者夫子諷矣  
子曰麻冕禮也章

古時麻冕拜下是禮之常今時純冕拜上是禮之變一則變  
而無害於義一則變而害義之甚而事不平說歸重下條見  
得無害于義者固可從而害義之甚者則不可從也

子絕四章

常情起于意而遂於必晉於固而成於執夫子則渾然天理不任私意物來順應無所期必事過不晉無所執滯大同於物不私一己也○聖人之心原是無聲無臭的本体此本体人皆有之只為自壞了不必大歆只着一分意思在事前便是意必着一分意思在事後便是固執此處不斬截日積月累四毋之本躰便皆泯沒聖人則只是空然洞然事到前時從此虛靈中自然流出玲玲瓏瓏各有條理經天緯地物阜民安譬之於海汪洋浩蕩渾渾停蓄是何等虛也然流向在大處便是江湖支分在小處便是川瀆細風來便鱗鱗然照眼文章大風來便洶湧然拍天波浪而奇珍異寶出沒於間



者亦何所不備耶若加一分的意思馳騁做出只是清渠間作浪盈涸可立而待矣要泉子此喻最好

子畏于匡章

史記云陽虎曾暴于匡夫子貌似陽虎故匡人圍之此說不足信蓋夫子所過人豈有不知者設或不知圍之一二日真偽亦可辨矣待五日也况從夫子者皆彬彬文學之士陽虎有此僕從乎亦不待辨也愚意匡人是妬忌夫子即桓魋欲殺之之意夫子亦曰惡有修仁義而不象世俗之惡者乎已明說出了及歌三終而圍解匡人自以為陽虎也此飾過之偽詞可信為真事子畏于匡亦不是死只是警備而已矣自古聖人之道統傳之於文王而文王之道統夫子正得其

傳故曰文不在茲乎○文不在茲夫子亦不嫌以文王自任  
他日又曰文王有四友自吾得回而門人加親是疏附也自  
吾得賜而遠方之士至是奔走也自吾得師而前有輝後有  
光是先後也自吾得由而惡言不入於耳是禦侮也自任者  
文王從之者亦文王之四友文果在茲哉

斯文之興喪皆天也假使天喪斯文則夫子之後文王而死  
者不得與斯文矣今文既在茲而得與於斯文則是天未喪  
斯文也天既未喪斯文是夫子之一身斯文之所在也斯文  
之所在天命之所在也匡人覬違天而害夫子乎○凡人到  
患難須是信得箇天君子便不恐懼小人便不為亂君子而  
遇難是天之未定也終必佑之也何為乎恐懼小人而遇難

是天之所譴也必無所逃也為亂亦何益耶○天下事只有天可壓倒死生禍福都付之天不以絲毫動念心便何等安安處便是天理天理有自然之安也彼圖利而或至殞滅免害而苟且偷生卒為人所鄙笑者特忘一天字耳吁可戒哉太宰問於子貢節

太宰見夫子晏肸已不止一處此處有感而問亦是就釣弋獵較等事說

子貢曰固天縱之節

太宰專以晏肸為聖子貢兼以道德晏肸為聖專竟亦以晏肸為聖人之事但謂聖人不專是晏肸乃是有德而又晏肸者又字與固字對又與固是相並之詞晦庵子以餘事解又

字似說輕了。多能不是子貢之意。子貢此語終有病。多能不可率人也。故夫子云君子多乎哉。

子聞之曰節

夫子聞兩人說話却丟了賜的不道。只承太宰一邊說。言太宰其知秋之所以多能乎。吾少也賤。故多能乎鄙事耳。是則能之多者賤者之事也。何為乎所為君子者。果在多能乎哉。不多也。多能信不足貴矣。太宰知我句切。不可把賜來形多能鄙事。只一直說下。註多一轉了。○聖學不在多。只在一心。心一純乎天理。雖有不知不能。如問姦事之禮。問義弘之樂。問知子之官。以至屈小兒之問。亦不害為聖人。世儒却以多能為尚。而云無所不知。無所不能者。統可以為聖。甚至以防

風之肯肅慎之矢釐廟之災商瞿之五子弟子之而其商羊  
洋實之瑣瑣者而為聖人之美談不知此等皆聖人所鄙而  
賤者也可為聖學乎哉

大率以吾能為聖更不貴道德子貢又無以道德吾能為貴  
聖人則把持能作鄙賤只以道德為貴可見大率全不知聖  
子貢知聖子貢知聖而亦未盡知聖人者唯聖人之自知而  
卑曰子云節

此以琴牟平日所聞者為證見得夫子不是一時的故說吾  
不誠故藝即小賤故吾能之謂也然則吾能其果鄙賤之事  
而聖人之所以為聖者果不在愛乎哉

子曰吾有知乎章

吾有知字說得大不是淺淺的知若說全無些知識則夫子雖自謙亦必不如此之不惜也○哉叩其兩端而竭焉是據我僅有的知識告那鄙夫竭者竭盡之詞告以兩端便竭盡無餘了兩端之外更無可告得可見我無知也若說盡告以天下之理則又是知之盡而與無知也反矣○陽明子曰鄙夫來問聖人之心未嘗先有知識以應之只空空而已但叩鄙夫所問的是非兩端與之剖決如此而為是如此而為非鄙夫之心便已了然緣他心裏本自知得是非只為信不過我一決之便了盡矣此外更無可知也○人心本是空空的有知乎哉無知也然無知而却無不知猶日月本是空空的有照乎哉無照也然無照而却無不照無不照者遇物便有

照無不知者遇事便有知人的心脉都是如此不特聖人為然也夫子此處是將心脉說出來示人若作謙詞有何趣哉子曰鳳鳥不至章

自古明王之作必有預祥為之兆夫子不重鳳鳥河圖只重明王上蓋因鳳圖之不見而知明王之不作也故歎曰吾已矣夫○問麟亦鳳圖之類大野獲麟鳳圖亦出矣何為亦已矣夫曰麟見于西方西主殺矣獲于采薪賜于虞人亦大不幸矣故夫子涕泣而曰孰為來哉孰為來哉吾道窮矣乃作春秋以明天子之事以嚴亂賊之誅以立百王之法而道之已矣于當時者庶乎不已于萬世矣噫是豈聖人之得已哉子見齊彘章

聖人之心未有所感則寂然不動一有所感則隨感而應敬  
愛之心生于內而作趨之容見于外皆自然而然不假強為  
者也○謝顯道嘗令朱子講聽說論語首舉此章及師見見  
章曰聖人之道無微顯無內外由灑掃應對而上達天道本  
末一以貫之一部論語只恁地看此可為善看書者矣

顏淵喟然歎節

此條是顏子形容聖道之詞仰鑽瞻三字不重只重高堅前  
後仰彌高是高明之極鑽彌堅是博厚之極瞻在前而忽在  
後是神妙之極○聖道亦只於及不碍處見其高於入不碍  
處見其堅於不可為象處見其在前在後非真有可仰可鑽  
可瞻處說者不以詞害意可



夫子循循然善誘節

此條是幸聖教之善可以循之而入道博文約禮晦庵子分  
做知行兩項時文且依他說文礼即高堅前後之所在者博  
文是要知乎此約禮是要行乎此博文約禮夫子如此教我  
還未說我亦博約也

欲罷不能節

此條終說由教以入道欲罷不能只見其進之不能自己既  
竭吾才正在博文約禮上做工夫如有所立卓爾者日用事  
物之間見得道有定在無復彌高彌堅在前在後也此是所  
見益親屬見之益親亦不是徒認得就是行得子。但不罷如  
聖人之從容中道故曰雖欲從之末由也已○從之之字指

卓爾舊說從之末由輕只重卓爾句見得歸功於夫子非也  
晦庵子以胡氏歸功一句未安而云此非有所歸功但叙其  
所學之本末而歎其未能遷到聖人之地也得其實矣○問  
從之末由使止于此已乎曰此後亦須優游涵泳勿忘勿助  
至于日深月熟自不覺與聖人一樣矣可使止乎故曰未見  
其止也惜哉

問博文約禮先博而後約與格物致知之說得無亦有所不  
同歟陽明子曰道一而已矣是故聖人無二教而學者無二  
學博文以約礼格物以致知一也二之而分先後者後儒支  
謬之見也夫禮也者吾心之天理也渾然全體之中而條理  
節目森然畢具是之謂天理天理之條理謂之礼是礼也其

發見於外則有五常百行酬酢變化升降周旋隆殺厚薄之屬宣之於言而成章措之於為而成行書之於冊而成訓炳然蔚然其條理節目之繁至于不可窮詰是皆所謂文也是文也者礼之見於外也礼也者文之存於中也文顯而可見之礼也礼微而難見之文也所謂舉用一原而顯微無間者也是故君子之學也於五常百行酬酢變化之間而求盡其條理節目焉非他也求盡吾心之天理焉耳矣於升降周旋隆殺厚薄之間而求盡其條理節目焉非他也求盡吾心之天理焉耳矣求盡其條理節目焉者博文也求盡吾心之天理焉者約礼也文散放事而萬殊者也故曰博文根於心而一本者也故曰約博文而非約之以礼則其文為虛文而為

一尊者流之學矣約禮而非無學于文則其禮為虛禮而為  
空寂者流之學矣是故約禮必在于博文而博文乃所以約  
禮二之而分先後焉者是聖學之不明而異端功利之說亂  
之也顏子之始學於夫子蓋亦未知道之無方軀形像也而  
以為有方體形像未知道之無窮盡止極也而以為有窮盡  
止極是猶後儒之見事事物物皆有定理者也是以求之仰  
鑽瞻忽之間而莫得其所謂及聞夫子博文約之訓既竭吾才  
以求之然後知天下之事雖至于不可窮詰而皆不出於此  
心之一理然後知殊塗而同歸百慮而一致然後知道之本  
無方體形像而不可以方體形像求之也本無窮盡止極而  
不可以窮盡止極求之也故曰雖欲從之末由也已顏子至

此而始有真實之見矣博文以約禮格物以致知亦實有二子疾病子路使門人章

自大夫以上皆有家臣治喪士庶人委之親友以孝子不治事故也○子路以夫子之喪不可同于尋常須有以尊異之而夫子嘗為大夫有家臣故欲為家臣治喪以尊異之也然不知夫子豈以家臣之有無為輕重乎莫道是家臣縱後世尊之以王禮夫子亦豈以王不王為輕重乎仰惟我

肅皇帝太王號而稱先師師也者與天地等與君親等所以尊異之者至矣盡矣無曰子路諸子見不及此即後世許受王者都無此見也非夫子死後一奇遇一異典哉○吾誰欺不是疑詞欺天乎不是以天字應誰字誰字指人人誰不知我

無家臣無而為有吾能欺誰人也人不可欺吾其欺天乎此是說不當用家臣也且予與其死於家臣之手寧死於二三子之手縱不得家臣而大葬也予死于道路而不葬乎此又是說不必用家臣也一曉之以正理一曉之以利害夫子之委曲詳盡也如此哉

子貢曰有美玉於斯章

子貢與夫子問答都只然玉說莫說出正意來子貢病在一求字故夫子云我待賈而沽不求賈而沽也蓋天下之寶雖當與天下共之然必天下共寶之而後可也衛王求售我先不自竊矣誰能寶之是將使黃金與土同賈也可惜可惜○寧懷片玉不可易以溢市之珍寧淹歲年不可輕為一日之

遇從來君子之自實是如此奚獨夫子哉

子欲居九夷章

夫子欲居九夷是設為欲隱去意或人未達以為真欲往故疑其陋而不可居○道之流行充塞宇宙夷狄雖遠亦不能外是道以有生君子之所在即道之所在也豈有不化之人故曰何陋之有○陽明子曰君子居之何陋之有蓋無入而不自得之意若云所居則化便于中國有礙此說更好

子曰吾自衛反魯章

夫子雖生知然樂之聲音節奏亦必考而後詳必驗而後信故自衛反魯然後樂正雅頌即樂中事各得其所便是樂正也○問樂只說雅頌不及風者如何曰雅頌是其大者列國

之風廟朝所不奏二南亦用之房中故只說雅頌耳

子曰出則事公卿

出事公卿貴貴之義也入事父兄親親之仁也喪事而勉哀  
不踰礼也不為酒困樂不至淫也四者雖非甚高之行然云  
夫却愈精密迹跡却愈無窮夫子云何有于我其精學者之  
意益深切矣

子在川上章

道本無跡所謂無聲無臭於穆不已也天地人物都是載着  
那道出來的似與道做箇骨子故伊川子云與道為體夫子  
此處之歎正是指出道體來示人難為川水而滢却不專為  
水說天地人物都包在這逝者如斯夫不舍晝夜一句內不  
道既不舍晝夜學者之跡道可以晝夜而舍乎橫渠子云晝



有為夜有得瞬有養息有存必如此而後可以躋道也首尾  
要發明此意○問自家心性活潑潑地便是逝者如斯否陽  
明子曰然湏時時用致良知的工夫終活潑潑地終與川水  
一般若湏更間斷便與天地不相似此是學問至極處聖人  
也只如此故曰此見聖人之心純亦不已也純亦不已是天  
德有德便可語王道矣○水之不腐者以其逝也樞之不朽  
者以其運也學者而欲不腐不朽也其亦常逝常運而已哉  
子曰吾未見好德如好色章

好德不如好色恐為時人說也不然聖門諸子誠於好德者  
亦多矣何云未之見

子曰譬如為山章

譬如字元以字提起學者中道而止譬如為山未成一簣者也學者自強不息譬如平地方覆一簣者也止即是未成一簣而止進亦是方覆一簣而進之吾字就為山覆簣者說○雖覆一簣亦只一簣便下有進進不已之意○進止之機皆在我而不在人也止也誰罪進也誰待乎

子曰語之而不惰章

顏子語之而不惰是在心身上着實用功其他在言語上觀聖人氣象上觀聖人都無益故夫子只說顏氏之子真殆庶乎子謂顏淵曰惜乎章

惜乎為句吾見二句一直說下方進而未已正見得可惜○顏子進而不止只為有根在謝頭道云人所以不進者何只

為者有根試看庭前茶蘼花只為有根在故一年長盛於一年○學要進不要止止于平地而覲天者以為山之端即天也進而至于山之端然後見有山而無天矣止于里之市而聞京師者以為京師無異此也進而至于京師然後見京師之盛異千里市矣○子之進而不止者良有以哉

子曰苗而不秀章

人有始學而不發達者苗而不秀者也亦有發達而不成就者秀而不實者也○學須在根本上用功苗不秀秀不實只緣根本上不用功皆可惜半塗而廢了故要培養根本者心是也培養得心体好苗便自然秀秀便自然實矣

子曰後生可畏章

此章勉學之意重在及時上後生可畏老年富力疆而足以  
積學焉知其來日不如我今日之學也然或此後生失却可  
為之時而不能積學至四十五十年力將棄而不聞道則是  
終不如我者矣亦何足畏乎上兩句是發動之下兩句是發  
懼之無非要人及後生時勉學耳○陽明子曰四十五而  
無聞是不聞道也○無聲聞也○夫子云是聞也非達也安肯以  
此望人○後生所以至于無聞者只為年少時任其血氣樂  
於放縱故也夫縱於情則勞形縱于酒則傷神縱于名則薰  
心縱于利則危身縱于慾則亂志縱于慾則危而短折縱于  
懶惰則荒廢而莫振日月逝矣歲不我延倏倏乎與禽獸同  
生泯泯乎與草木同死此真可惜真可憐也○子曰可畏乎患

重到此頃勇猛下手以斯道為必可聞以聖人為必可學勿謂今日不學而有來日勿謂今年不學而有來年洗滌得潔潔淨淨抖擻得精精明明充擴得平平蕩蕩到此便如登春臺如遊仙境其生也有益其死也流芳一時做了千年事不枉人問走一遭矣後生勉之哉

子曰訟語之言章

吾末如之何者法言而不從猶可與之以訟言巽言而不悅猶可與之以巽言既是從而不改悅而不繹則沒下來再與之言矣雖聖人亦如之何哉

子曰三軍可奪帥章

此重在立志三軍只借以形容匹夫三軍勢盛而強宜若不

可奪者然一奪其帥便無所恃而不可以語勇匹夫勢孤而  
弱宜若可奪者然其志一立便不可奪而有志者事竟成蓋  
三軍之勇在人匹夫之志在己也○陽明子曰學莫先於立  
志世之所以因循苟且隨俗習非而卒歸于污下者凡以志  
之不立也故程子曰有求為聖人之志然後可與共學人為  
誠有求為聖人之志則必思聖人之所以為聖人者安在昨  
以其心之純乎天理而無人欲之私耶聖人之所以為聖人  
惟以其心之純乎天理而無人欲則我之欲為聖人亦惟在  
於此心之純乎天理而無人欲耳欲此心之純乎天理而無  
人欲則必去人欲而存天理務去人欲而存天理則必求所  
以去人欲而存天理之方求所以去人欲而存天理之方則

必正諸先覺考諸古訓凡所謂學問之功者然後可得而講而亦自有不容已矣○立志亦不易也聖人猶曰吾十有五而志於學三十而立志之立也雖至于不踰矩亦志之不踰矩也志豈可以易而視乎志者氣之帥也人之命也命不續則人死志不立則氣昏是以君子之學無時無處而不以立志為事正目而視之無他見也傾耳而聽之無他聞也如貓捕鼠如雞覆卵精神心思疑聚融結而不復知有其他然後此志常立神氣精明義理昭著一有私欲即便知覺自然容住不得者故凡一毫私欲之萌只責此志不立即私欲便退所一毫客氣之動只責此志不立即客氣便消除或怠心此責此志即不怠忽心生責此志即不忽操心責此志即

不慍怒心生貴此志即不慍怒心生貴此志即不忿忿心生  
貴此志即不忿忿心生貴此志即不忿忿心生貴此志即不  
忿忿無一息而非立志貴志之時無一事而非立志貴志之  
地故貴志之功其於去人欲也如烈火之燎毛太陽一出而  
魍魎皆消矣此說諄諄懇懇同志者宜以之而刻骨

子曰衣敝緼袍章

士志於道而恥惡衣惡食者未足與謀也子路衣敝緼袍與  
衣狐貉者立而不恥便是可進於道的人故曰不伎不求何  
用不減○子路終身誦之是要將此詩誦之終身是道也承  
不伎不求說何足以減承何用不減之語而反之此但可進  
於道故謂之減要亦未為道之極致也何足以減乎○何遜



以臧亦是勉進子路云耳世上祇有兒子路下子路一等者  
須知人生較計只在衣食之間而不思袍葛簞粥之外凡有  
羸羨者俱為長物也吾心自有至寶安能以無窮之害而易  
子曰歲寒然後知松栢章

此只說松栢首尾亦只說君子不可將衆木小人並說○松  
栢在春夏無異衆木到歲寒時衆木盡彫而松栢獨不彫然  
後知松栢節操之堅後衆木之彫也彫字說衆木說不是松  
栢若說松栢後衆木而彫則畢竟猶有彫時矣豈可比君子  
○君子素其位而行在治世如此在亂世也如此不是要立  
異于人但以人不能守者視之則為守之貞以人不能行者  
視之則為行之異要之君子如無心也推之以嚴霜苦之以

厲雪松栢之不彫者亦無心而已矣。曾自知其異於衆木乎。  
○小人以治世為不幸而不知其為大幸。以亂世為大幸而不知其為不幸。治世之抑其惡者所以全其身也。亂世之莠楚意母之呵叱非愛之厚而恩之重乎。亂世則其惡縱矣。不至于殺身亡家不止也。魚為而有餌。虎為而有餽。并無不誘而納之死也。子曰：知者不惑。章。

知仁勇只是一箇理。智以明此理，便放了。仁之端，仁以昧此理，便殘了。智之實，勇以強此理，便收了。智仁之成功。○感愛懼都是動心。此心即此理。既完完全全，此心便融融朗朗。烈烈轟轟，無一件可能動得。又何惑，何憂，何懼也。

子曰：可與共學章。

此章論學要人深達其極可與共學者須進之而適道可與  
適道者須進之而能立可與立者須進之而能權終是造其  
極之學○可與共學是知得求正道但未力行得故未可與  
適道若云未見其學之正否便是邪正不分之人與之共學  
恐亦不可也○未可與權此權字莫對經字看不是處變之  
權若云處變則變事宜人之所常達者苟不處變便未可與  
權了○蓋權字對立字看立是執守之義權是變通之義執中  
而無權猶未可也故必隨時而處中化裁而盡變然後立得  
恰好程朱二子一箇說權只是經一箇說權與經當有辨都  
在處變上說了或者非此章之旨乎○可與共學三千之徒  
是也可與適道游夏之徒是也可與立顏閔之徒是也可與

唐棣之華章

惟者夫子是矣無可無不可從心所欲而不踰矩不

謂之推

豈不爾思室是遠而詩以人言也夫子借其言而反之曰未  
之思也夫何遠之有亦只鶻突說未嘗明說出理來含蓄  
思深遠令人深思而自得之也噫此其所以為善誘人歟

鄉黨第十篇

此篇看夫子居家居鄉立朝出使接賓賓客朋友受賜受餽  
飲食衣服至微至可忽處皆有箇天則不待安排布置言出  
便是行出便是此豈著心思所融只緣他心跡明淨圓融流  
動活潑隨時隨處自然有規矩自然有文彩如泰王造化不  
勞餘力而千紅萬紫秀水明山自錯然而陳列也想見至此

真是帝子天神不覺手舞足蹈矣

孔子於鄉黨章

此總紀夫子之言在鄉黨恂恂似不能言是不便便者在宗廟廷便便言却又似恂恂者隨地隨時各當其可也

鄉黨章言便似以賢智先人故恂恂似不能言者信實的人其言自訥不可以恂恂另作說

宗廟言禮法朝廷言政事故便便疑于不謹却又唯謹爾不至于放言重便便上謹字帶說

朝與下大夫言節

此夫子去朝君君猶未視朝之時朝廷政事之所出與大夫言者亦定是政事諸侯國重只有上大夫下大夫並無中大夫

夫夫子此時或為上大夫或為下大夫皆不可知不是為中大夫○下大夫處得以直遂故侃侃上大夫處却要和悅故君在淑踏如節

此君視朝之時淑踏是恭敬不寧疑于不中適却又中適而與便淑踏得好恭而安是也

閑閑不同於侃侃淑踏與與又不同于閑閑因人而變化時操而皆宜此所以為聖人之言貌與

君召使擯章

首條是為擯而受命之初物如者顏色之變灂如者容止之變敬於心故變於外夫子雖未嘗不敬但君命之臨則與常時尤不同也

二條至末是為擯而行禮之事夫子為次擯末擯在左上擯在右揖左人左其手是揖末擯而傳主命使之以次傳於賓揖右人右其手是揖上擯而傳賓命使之傳於主舊說傳命而出傳命而入出入字不必用蓋此時主賓同在門外立傳命者不可謂之出入也○揖只拱起手不似今人作揖左右手手若不與心齊高便揭起衣低便垂下衣夫子手與心齊不失之高不失之低手既平整衣自平整故前後檐如也

三條主延賓而入為擯者從其後趨入有事趨時手易散臂易擗翼如者張拱端好手不散而臂不掉也

賓主既入成禮畢賓退就館主送出門外再拜賓不顧而去

一主猶敬未解擯告主曰賓不顧矣所以終其敬也

公門章

此章入門至升堂定進之時出堂至復位是退之時進而退  
君敎則愈加退而遠君敎亦不忘只以敬為主

公門高太藐然之身如不容者敎之至也行立即入門事立  
是暫立門東西兩扉各有中君出入由扉之中臣出入不敢  
由扉之中既不由中行亦不當中立行不獲闕者亦是常行  
之度特記之於此耳

位在門屏之間是外朝堂是內朝過位亦有言者同朝之臣  
或言及亦不得不言但不暇於言而其言似不足也

升堂是由階而升堂上手無所執得以攝齊笏在腰間用  
以記事不以之為儀後世朝皆執笏于是攝齊之禮廢升堂



而有懨齊者屏氣似不息非真不息也氣肅而息微似不息  
出是成拜後出堂降一等者下堂之階復位者復堂下之位  
既怡怡而和又踧踖而敬者君所之容畢竟以敬勝和不敵以和勝敬也  
執圭鞠躬如章

執圭二字提起看鞠躬是敬之著于身者如揖如授是敬之  
著于手者鞠如戟色是敬之著于面者踧踖如有循是敬之  
著于足者祭在他國君前如然○如不勝速著鞠躬一圭之  
重幾何豈有不勝之理敬謹之至似不厭勝也○問執圭既  
平衡何以又有上下曰上下只微有高低高不過如揖低不  
過如授畢竟手與心齊○足踧踖如有循緣手中有圭不碍  
攝齊亦防顛仆也

執圭是命圭以之通信者見後便付還享禮用圭璧之圭則受之不還者然亦不止圭璧凡受皮幣與馬之類皆有也私覲是昏家以私禮獻他國爲亦有獻他國大臣者但此處就獻君說也

方聘時一於致既聘後漸而穆非敬無以盡聘問之禮深和無以通聘問之情聖人之善爲聘也如此

君子不以紺緇飾二節

齊服以紺飾練服以緇飾若不是齊練之服自有別飾而不以紺飾別嫌疑重喪祭之意○紺飾齊服舊無明文緇飾練服恐亦不稱要之二色未必是齊練之飾但以其似赤非赤色不正故不用也○緇紺不以爲禮服可知矣

當暑於絺綌

絺綌之

以居

絺綌是服之於暑者衣裘是服之於寒者衣裘三句都以衣為主者衣時不欲其文之著必加單衣於裘上以覆之然又欲其色之稱故羔裘色黑覆之以緇衣麕裘色白覆之以素衣狐裘色黃覆之以黃衣羔裘用之視朝麕裘用之視朔聘享狐裘用之大歸息民禮曰裘裘不入公門此三句必裘在內衣在外也若云裘在衣上便是裘裘而不可用之視朝聘享等處矣○羔裘三句是裘之服于公者麕裘二句是裘之服於私者麕裘以何為之乃以狐貉為之者狐貉之毛最深厚私居用之可以適體也若出時則又以輕裘為便矣去裘無所不佩至吉月必朝服而朝

居喪時不佩喪既去便無所不佩佩王以地德侑臚彌之屬  
以利用也○朝祭之服裳不殺縫而如帷若祔帷裳或私居  
或見賓等服則必殺之開却兩旁便於動履且不敢混於朝  
祭亦重君親之意○羔裘玄冠是吉服弔喪是衰死宜以凶  
服故曰素冠表衣○吉月是每月之朔必朝服而朝乃致仕  
時如此仕時便不消說致仕而朝者不忍于忘君也且亦得  
與聞國政矣

此章記夫子衣服之不言蓋服者身之章苟於其制是苟於  
其身也聖人之身無所不用其敬者而肯高焉已哉

齊必有明衣節

此齊時浴畢之敬○明衣以何為之是以布為之者取其素也

必有寢衣節

此齊時寢處之教○齊寢不以衾又不以常時之衣者不敢齊必變食節

此齊時居食之教○居食變其常者亦不敢廢之意也此章記夫子謹齊之事前二段就衣服說後一段就食息說皆事之小者而必謹如此況其大者乎

食不厭精節

食不精膾不細夫子固食之若有精者細者亦不厭之不厭是以之為善非必纖如此也

食饘而餽節

善者固不厭而不善者亦不容不厭之故又有不食等物○

色惡臭惡二句是說不待于餒敗也色臭惡變者亦不食之  
失飪不食者重人事也不時不食者順天時也

割不正不食節

害人者固不食而無害亦不茹食之故割不正不食不滯其  
醬不食一惡其不正一惡其不備也

肉雖多不使勝食氣節

人得元氣以生穀氣以養肉氣以輔肉氣勝使滯穀氣穀氣  
勝使滯元氣元氣充行者壽不使肉勝穀者養生之理當然  
也○唯酒無量酒以爲人合飲不可限量只飲幾杯如我爲  
主客融受飲亦須受飲陪他我爲客主祇受歡亦須爲之受  
飲但都以醉即止不至于昏亂耳○問無量之說得無適人

長飲否曰無量者在夫子則可在吾人則不可頃以吾之有  
量學夫子之無量不然未有不亂者矣

沽酒市脯節

問家裏或無酒肉有事要用時亦必沽買又或別人來請酒  
肉是沽買的亦不食否曰沽酒市脯非絕不食也看其色嘗  
其味精潔者纔食之否則不敢食矣

不撤薑食節

薑食者薑食必設薑取其為通神明之助也

不彘食

凡物都不彘食食其所常食止其所常止所欲不存亦惟任  
乎理而已矣

祭於公不宿肉節

公肫不啻宿家肫却三日者公肫肉少分者不啻當日就可  
盡家肫肉多分者要徧三日纔可完也○出三日不食是推  
祭肉不出三日之故肉出三日必敗雖以分人人不食之是  
喪神惠而不敬矣

食不語寢不言

食不語是此康正意寢不言是附記者言由已先業語由人  
先發都是與人在說不語亦只是含哺之時不是終食之文  
全無一語○二句重存心之不他正是時然後言也

雖蔬食菜羹

必作祭節

蔬食菜羹是物之薄者薄而且祭祭而且敬也况其厚者



此章記夫子飲食之節。夫人之身養之者飲食也。飲食不節，是不知保其身矣。況聖人之身，吾道之正脉所在者，愛其身以有為養其身，以有待尤不容不於飲食而致節也。閑情席不正不坐。

夫子曰：安于正，故一席之間不正亦不坐。

鄉人飲酒節

夫子凡事都不失長杖者，出而斯出，特於飲酒時記之耳。

鄉人雛節

鄉人為夫子雛，夫子便有主道故雛服而立於阼階。阼階者，主人之位也。○鄉人不是士大夫雛，亦不是大祭常情。晏祭之者，夫子必臨之以朝服，可見無所不用其敬矣。

問人於他邦節

問人於他邦再拜而送之是使使者皆復拜而送之如親見其人之敬也

康子饋藥節

凡賜食必嘗以拜康子所賜之藥未知對病否故拜受之而不嘗然不嘗則虛人之賜故直告之曰丘未遠此時且不敢嘗俟其遠而後嘗之也○春秋書許世子止弑其君買止未達藥不先嘗以致君父之死遂陷篡弑之罪用藥者可不慎

廐焚子退朝節

廐焚是夫子家廐以退朝知之若國廐則君之路馬又是當問者也○廐焚問焉常情大抵如此夫子却恐人救焉被傷

故先只問傷人乎不問惡妻之馬亦畢竟問到但先時不及之耳問不問重貴人賤畜意

君賜食章

君賜食有親者先奉親夫子時已孤故先嘗之○席不正不坐常時固是正者賜食而正席是又正之以為禮也○君賜生畢竟亦殺之但無故不敢殺耳○問夫子之敬君賜若此子思於繆公之餽何以標之而不受曰夫子是為臣之忠子思是為師之義此不特可以為受賜之法而亦可以知時侍食于君君若只自祭已便先飯先飯者一是以膳夫之職自任若為君嘗食一是以臣子之禮自處不敢當客位若君命之祭則亦祭矣

問君視之東首豈常時首不東乎曰常時想是東首容有隨意所適康到君視時則必正東首之禮也○天地之生氣始於東方東首是順氣之行故為受生氣東首亦輕只重加朝服抱紳不敢以廢服見君一息尚存不容少懈者具矣不俟駕行是初聞君召時即趨出而行不少緩以俟駕也駕車隨至則亦乘車而詣召所矣

### 朋友死節

朋友死無所歸是無親黨主之者於我殯以衣棺殯之也不云葬者或有親黨在遠計告之而未及葬者無遠親來葬者則殯後亦必葬之矣

### 朋友之饋節

朋友之饋以車馬。上不是以車馬祭肉。平設拜祭肉。意此處不重。朋友通財。是事之常者。饋以車馬。亦通財之常事也。何拜之有。雖車馬且不拜。而况區區毫末之助乎。

朋友以義合者。看來須是平日車馬之饋。不至于感激無地。方纔死無所歸之時。可以望其為饋。何也。只於義字見得透。耳。惟能以義處。已終能以義處。惟能以義處。人必能以義處。不以節。

寢不尸。居不容。而不字。見夫子容貌之變。○不尸是不仰臥。寢微不容。亦不是全無容。錄中申天天是也。

先容者節。

仲是其人。與我素相熟。裝是我見其人。不在大建廣衆。仲與

必變而以貌非狎褻者可知矣

衣服者式之節

既云齊集必變而又云衣服式之者衣之不在車中也負版者只負民之數且式之而不敢慢則使民之時又可知矣有盛饌節

主人敬客故設盛饌變色而作若不敢當者不是為其饌重在敬主人之禮意耳

迅雷風烈必變節

迅雷風烈必變蓋晝夜說變是變其常度以為敬亦不是竊皇失次也○問若有終日終夜的雷風安得常常而變曰固常常如此但亦主于疾風迅雷平平的雷風則亦不消如此矣

寢不尸二句是敬以康已見齊衰至有盛饌數句是敬以待  
人迅雷風烈句是敬以事天都要見容貌之憂慮

升車必正立執綏

正立執綏不平只重在正立謂正立而執綏也蓋人之升車  
立難於正若綏則不容於不執矣

車中不內顧不疾言不親指

內顧疾言親指重在失容上惑人意稍輕車中可顧者亦顧  
但不過較而遠視可言可指者亦言亦指但不疾言而親指  
若全不顧不言不指則又失之拘矣

此記夫子在車的容貌正身正身容正也不內顧是目容端  
也不疾言是口容靜也不親指是手容恭也意在車且知此

況在清廟明堂之中乎

色斯舉矣章

晦庵子云此章必有闕文思意無所闕乃文之前後倒置者  
夫子見山梁雉雌時執時執子路去其之雉三嗅而作故歎  
曰色斯舉矣翔而後集○子路其之應色字是拱執之義三  
嗅而作應斯舉矣是張兩翅而鳴起也○首尾要說出人當  
見幾而作的意思矧伊人矣而可不如鳥乎○子思亦曰君  
子猶鳥也疑之則舉其此之謂執

夫子之修於身行於家者至鄉黨而備立於朝行於天下者  
自鄉黨而出此篇所繫亦重矣聖人萬世之像刑也父兄宗  
族之間君臣朋友之際以至衣服飲食之節莫不曲盡其道



原缺